

DUGIR

Ker sé mehan carehê derdikeve • Adar 1997 hejmara

5



Lê lê bêmal ...



DUGIR

MEJMAR ©, 1997, HER SÉ MEHAN CAREKÉ DERDIKEVE
KOVARA KURDE LI DERVİYİ WELET
EV KOVAR LIGOR ALFABE, VEKİT Ü REZİMANA
MİR CELADET BEDİRXAN İ DERDIKEVE

XWEDI

Kawa forlag

Berpirsiyare gisti
Dr. Saïd Mele

Brevetebîrên kovare
Ehmedê Huseynî
Zagrosê Hajo
Yehyâye Yosif

Berpirsiyare huner
S. Rêzani

Abonetiya salekâ
200 SKR

Adres
DUGIR
Box 3437
165 23 Hässelby
SWEDEN

Posta elektronî
posta@nepgevoda.
mail.ru
Tel/faks
46(0)8-383934

Postgiro
692357-7




ISBN: 91-7191-5913

CEJNA WE PIROZ BE

NAVEROK

3	Pêsgotin	Dugir
5	M.Şêxo.....	E. Huseynî û M. Efîfê Huseynî
10	Serpêhatiya Bêkesê Têlo.....	Selîm Berekal
14	Xewnzan.....	Hindrêن
15	Sevê.....	M. Efîf Huseynî
17	James Aldridge.....	Zagrosê Hajo
21	James Aldridge.....	Jack Lisay wergera Z. Hajo
25	E. Xani.....	Perwiz Cihani
39	Hunermendekî Kurd.....	Cengo Elî
42	Nêrinak li ser Proses a Kafka.....	Alanê Hajo
44	Berbîsk.....	Keça Kurd
45	Nameyeke kevnenû.....	Ismail Taha Şahîn
47	Bendewariyên spêdeke.....	Hoseng broka
48	Daxistan welatê min e.....	Resûl Hemzatov
		wergera Samî Namî
50	Ji dişenê cenga mezin.....	Sebî Botanî
52	Aso.....	Kamîran Hirsan
53	Dewleta Dostikî III.....	Fehed Mistefâ
56	Wexta.....	Ehmedê Huseynî

Ji Weşanê APEC`ê kitêbên nû



DR. SIVAN



Her kes û dezgehêñ ku ji 10'an zêdetir kitêban bikirin, ji % 20 ji wan re erzanî heye. Her weşanxane an ji kitêpfirosêñ ku ji 100 deneyî zêdetir kitêban bikirin, ji % 40 ji wan re erzanî heye.

Navnîşana xwestinê:

Apec-Tryck & Förlag

Box 3318

S-163 03 Spånga/Sweden

Epost-adress: apec@stockholm.mail.telia.com

Navnîşana seredanê:

Spångavägen 345, Spånga

Tel: +46 8 761 81 18

Fax: +46 8 761 24 90

Pêşgotin

“Bo koça dawîn a Eyse Şan”

*(De yar yar Meyremê
De bav gawirê dê ecemê
aqil o hişê xortê xelkê me
li cemê
Yar yar Meyremê!)*

Bırına dengê kevnare û tenhatiya dîloka dil û bêçare ye. Dengê birîna nêzîk û dûr û avjîna velerzîna xoşxwan û lawik û tembiya rêçen sefera bêdawî ye. Hebûna_e, barana bîranînan û mijâ xewna sofiyê windayî ye. Dengê hêviyên serberdayî û dengê nalînê darbest û keviran e, hey dengê zuha, hey dengê rehêن ês û fixana bilbilên bêbuhar!

Di asoyêن bejna te de, di nalenala cejna te de, di kurtepista şana te de, bilûrên matmayînê bi ser bişîrîna bûkan de, bi ser çîveçîva çûkan de,, diçemîyan, û bîna zemînê li ber şemala kenê te direqisi.

Bagera demê, zixtên şûna pêşîn û kêferata serihildana jinêن çavres, li guharêن te dipirsîn. De, “de nav di xwe bid_” û vê dîmena ko ji tevna bêrîkinê dinuqute, bi dijwarî di stirana giri de binimîn hey Bêmal!

Li ser bêdengiya nenas a kavîlên bîr û hişen zuhabûyi, di astenga berteng û sînordar de, tu, ey keskesora bîranînê, tu, ey serdarê giri, ey baskêñ subehêñ xwîlireng û ey guhêñ berbanga xaçkiri, tu, wisa melûl û bêzar berbi gulan ve, berbi hestan ve, berbi serxweşîya govendgerînê şevistana çiyan ve, koçê û herikîna demê, bar dikî.

Deng, di sîbera veçiryayî de, wek xetîreyêñ destê qederê, wek mirina zelal a stêrkêñ gerdena te û wek westana giyanê te yî ji bihokêñ xatirxwestinê, deng, bi ser êvara me de, dirijiya. Şaneyêñ temenê me, laşê me yî ko ji tozê berbi tozê de direviya, û bişkojêñ evîndariya pêşîn a ko li ber rîtma talankirina zimanekî bedew û li ber gurmîna herifandîna nasnameyeke serhiş ji dayik dibû, di paşila (Bêmal û Meyrema) te de geş dibûn.

Tu Dengbêj î!? Tu bi zilamêñ xemgîn û bi dastanêñ tîndar û bi hespêñ tîrsê dest bi sirûdêñ xweşmêr û evînbazan dikî.
Ma çawan dê dengbêj bimire ey Bêmal!??
Ma çawan dê tîrêj binire ey Bêmal!??
Ma çawan dê gelawêj bimire ey Bêmal!??
Ma çawan dê mirina sergêj bimire ey Bêmal!??

Here bêmal! Wisa xemgîn, dîlşikestî û bê tembiname, berê xwe bide taristana bêdeng û sar. Aheng û şevbuhêrkêñ sazbandan, govend û dîlanêñ xewnperestan, agir û dûmanê, nêçir û seyranê, evîn û gîryanê, û elbûma jiyanê

radestî kulîlkîn hovane yên lêvên deşt û zinar û dol û pesaran bike. Çavêن xwe radestî kila şevê bike. Lchiya porê xwe radestî deryacea Wanê bike, û sermestiya çemê dengê xwe radestê xuşîna manê bike.

Li wî rexî rondik û wêran e bêmal!

Li vî alî bêrikirin û hêrane bêmal!

Û di navbera wêran û hêranê de, deng e.

Û di navbera me û te de, gula bê reng e.

Û di navbera jiyana te û mirina me de, stiraneke çeleng e.

De xwe ji stirana dawîn re amade bik ey dengbêja ko zeviyêñ giyanêñ me bi dengê xwe av dida.

De gernameya şînigiriyyê di xêz û bendêñ oxira derewîn de perwerde bik ey dengbêja şérîn, cy Eyşe Şan!

Tu çûyi! Eyşe Şan!

Te welatekî wêrankirî û sînorine asê, û bajarine reşgirêdayî li pey xwe hiştine.

Te kesayetîyeke çelmişî û bangine veçiryayî, bîrânînine bêbir li pey xwe hiştine.

Te axeke sincirî û xwîneke germ - nûriyyayî, şînigiriya dê û bavan û bêrikirina destgîrî û yaran û te demsaline westyayî li pey xwe hiştine.

Te sazbendêñ bêsaz û dengbêjîn bêdeng û peyvîn mirî û helbestêñ zuha û serdema bazirganêñ xwîn û gotinê li pey xwe hiştine.

Te em jî li ber destê vê qederê, li ber zixtêñ vê qonaxê, li ber dergehêñ berfê û xwîliyê, di nav pencêñ daristana hawara bêwar de, hiştine.

Tu çûyi..

Ne çûna te û ne jî bendewariya giyanê me

Ne dengê te û ne jî bêzariya jiyana me

Ne şana te û ne jî çurisîna kenê bihara me

Ne ritim û newa û ne jî rondikêñ guhdara me

Ne stirana evînê û ne jî xeml û şemala yara me

Ne kiras û xefstanê te û ne jî toza li ser biskêñ hinara me, bikêri vê bobelatê têñ Eyşe Şan!

De rab ser xwe, kevanêñ çavêñ xwe ji tîrêñ kila subhanî re amade bik, bejna afsanewî ya dengê xwe, û geacîneya sirûdêñ evîndaran, di sînga xwe de, hînî lîewlebûna heyva çardeşevî û matmayîna rêberêñ nenas û gundêñ xwelîser û welatêñ bênexşê, bik!

De rabe, pirtûka evînê bigir û pencereya şîn a çiyayê şérîn vek û bibêj û bi ser keviyêñ kesera me de biherik:

"Lêlê Bêmal

*Tu ne sêvî, sêva Melatê
sal diwazde meh di paşila
xwe de biggerînim bêmal"*

Dugir

Mihemed Şêxo

Dengê şîniya me ya xwesik

M. Efîf Huseynî
Ehmed Huseynî

Wexta ko roka “ Xecokê ” di defa sînga esmanê şîn de har dibû, ko rojêن me ji bîstan û zeviyan, û ji bexçeyên bêşînor, ji gulgenimêن ko êşa salan û derdê neteweyeke xemgîn hilgirtibûn, dihatin,

Hunermend jî dihat.

Dengbêjê sirûdan dihat...

Tê, mistekê ji zaroktiya xwe, girêن ji tozê, heriya gundan û rêçen wesayî/ birîndar, labirênta girî û westanê, dîmenêن wêranê, tenhatiya zindanê, peyman û dilsojiya evîndarekî ji beja kurdistanê, li ser milêن xwe hildigire. Berbi çîçek û kulîlkên bejî ve tê.

Berbi govend û dîlanêن hovane de tê.

Berbi kêl û goristan û termê elendê ve tê.

Berbi nexşeyên şewîfî û pasvanêن delke û sînoran û berbi peyva qedexckirî de tê.

Dengbêj tê,
Mihemed Şêxo tê.

Tovêن êşa kevnare di dilkê dilê me de diguvêše. Xewna me li deşt û zozanan û li gundêن bêgundi belav dike, û hêsrêن me bi ser bêdengiya kavilan û xirecira koçeran û velîstina rîving û rîwiyan de direşîne.

Derdê me, derdê bêkutayî, derdê ko di bin sim û talan û ferманa dagîrkeran de mîna zixuran tar û mar dibû, berhev dikir û di reşika çavê berbangê de wedîşart, û distira..

Distira..

Distira.

Di mirina rastîn de ji bo jînê distira.
Di xweşîya xweşik de ji bo şîn û giryânê distira.
Di gurîna êgir de ji bo evînê distira
Hêdî hêdî dibe hozan û mamostayê herçar rexên şînê.

Dinale,
dilerize,
diçelmise,
dişike,
digirî,
û çavê xwe ji çavê nêrgizê dernaxîne.

Ji sala ko ji dayik bû (1948) hetana roja ko şînî di ser dev re çû(1989.03.09) temenê xwe bi azar û kul û renckêşan derbas kir.
Li gundê Xecokê, li tenişt Qamişloka kevoka, li bin perên dilovaniya malbateke belengaz; Mihemed Şêxo zaroktiya xwe bi dijwarî berbi ciwaniyê de dikişkişand,

Bejin zirav bû. Çav reş û por gurişkî bû.

Bi kirasê xwe yi xwêdangirtî, bi şûnşopa ava zebeş û tiryê merzone, bi piyên xwas û bi neynûkên dirêj berê xwe dida gundê "Berko" û li kêleka hevalê xwe "Farûq" rûdinişt.

Qiçına nîveroja beriya Mêrdînê ye, û xwedayê germa sincirî ketiye xewa şêrîn û giran.

Erê, ji qalikê gundir tenbûrekê ji xwe re çedikin, û tiliyên M. Şêxo yên bi xemê hinekirî, dilê M. Şêxo yê ji genim, hînî alfabeya dojehî ya sazê dibin. Carekê ji caran - Cejna qurbanê ye- M. Şêxo têlên tenbûrê, bi dizî, ji bajarê Qamişlokê dikire, û wan têlan bi şarezayî li ser zendê welat û azadiyê girêdide.

Gava pêşîn, bi hêrs,
bi lerz,
bi hêsrênil dil û giyan,
bi poşmanî û bi gezkirina lêvan,
bi hezkirina welatê kew û şengebî û berûyan,
bi dilsojî û destpakî û bi payedarî, dest pê dike.

Ji qalikê gundir; gav bi gav, berbi werzêni giyanê me ve tê!

Sal 1969 bû, M. Şêxo li Beyrûtê, hem hînî mûzikê û hem jî ligel hunermend û dengbêjên kurd beşdarî şev û cejnên netewî dibû. Çend stiranên xwe çap dike, belav dike. Dengê wî, li kuçe û kolanan, li gund û bajaran, mîna ava çemekî zelal diherike , û ji pêlên stiranê axîneke teze bi ser şevistana wenateki gemkirî de, dirije, difûre, radipere, û dizinge. Ji Beyrûtê berê xwe dide Qamişloka evînê û li karekî digere. Hunermend tê..., da ko ji xwêdana eniya xwe bijî!

Li "Rimêlanê" wek paleyekî xemgîn karekî peyda dike - Bîna neftê û dengê tenbûrê dê çi ji hev re bibêjin ey xwedayê kurdan!!?- Lê jiyana bindestan wisa hatiye nijandin, û jiyana hunermendê ko dilê xwe biqesêre û di hênkayiya sira bayê sibê de bibêje(fermo welatê min!) wisa hatiye nivisandin.

Piştî çend mehan, nijadperestî dilive û werîsê xwe li dor qirika gapa nanê M. Şêxo dijidîne, armanc şikenandin û xistina dengê dengbêj e, yan jî bêdengkirina miletékî ye.

Zindan,

lêdan,

dîwarêñ tazî û reş,

û serhişkiya hunermendê evîndar.

-Emê tiliyên te ji qurm ve hilkin, wisa jê re gotin.

-Lê tiliyên dil dê çawan bêñ hilkirin!?

Hunermend digot û serê xwe neditewand, rûmet û rêzdariya xwe nedifirot, û bejna dirêj hêdî hêdî dibû tiliya welatê şehîd û zersosinan.

Di 1974 an de, berê xwe dide şoreşa hêvî û xweşiyê. Tenbûra xwe davêje milê xwe û taristana sînoran bi singoya stiranê ,diqelêşe. (Bejna wî û bejna çiyan çiqasî li hevdihatin ey feleka bêbext!).

Li bin siya çavêñ pêşmergeyan xew bêtirs e Bavê Felek!

Li ber dengê xuşîna sermedî ya Gelyê Elî Bek û Çemçemal tu yê cara pêşîn rêça azadiyê nas bikî û renckêşana bindestiyê bindest bikî Bavê Felek!

"Ji Mehabad, ji kaniya xwîna şehîdan, vê sirûdê bo we pêşkêş dikin, hingî tasîra wê li me bû"

Koç bi dû koçê de, talan bi dû talanê de, mirin bi mirin, şikestin û girî, hawar û fixan, 1975 a malkambax e û qiriktaliya têkçûna xweşmîran e.

Çinkî M. Şêxo-mamostayê şîniya me- dizane ko şînî ne bêzarî ye û ne jî bêhêvîbûn e, û dizane jî di çi wextî de, şînî, dikare bibe bêhêvîti, lewra sirûda "Xortêñ me lê ne bêjimar" û bi hişmendiya hunermendan stiranêñ ko xweşikbûn û spehîbûna welat diyar dikin, pêşkêşî gelê kurd dikirin.

Rast e, bi bayê felekê re giriya û li ser keviya kavilêñ welatekî şewitî wek dengekî şikestî, raxistî mabû, mit û mat û bê viyan, li rêzêñ berz ên çiyayêñ di mijê de temaşe dikir û dinaliya; lê her û her "gulê nade bi malê dinê" û li ser gulê tê kuştin!

Sala 1983 an, piştî bêrikirina dijwar û müşextiya giyanê bêcir, berê xwe dide hêlîna zaroktiyê, berbi bayê Qamişloka narîn ve tê.

Xort, keç, pîrejin û pîremêr, zarok, darêن hinar û tuyê, girêن xwelseeng, şiva hesin, toza tîr û dilovan, barana şermokî, rûbarêن bîrtûj, û stêrkên havîna deştê bendemana wî dikin. Çav, li hêviya bejna dirêj û zimanê şekir rêj, û dengê dengbêj, diqerimin, lê hunermend tê..
Bêriya dengê xwe kirine,
bêriya êş û evîna xwe kirine,
bêrya xewn û xwezayêن xwe kirine.

M. Şêxo, wek qehremanekî dastanî, li ser milêن xwe dikin, wî bi baskêن evîna xwe dinixumînin û wî ji zordestî û êrisêن demê diparêzin.

Ji wê êşa ko gelê kurd ji sedsalan ve di stiranekê de veşartiye, M. Şêxo tê...
Ji wan gundan, gundêن biçûk û bêdeng hînî derdekî mezin dibû, bi wî derdi dijiya û bi wî derdi jiya... Bi wê taristana ko perêن xwe berdabû ser hinarkêن berbanga wî, jiyan himbêz dikir.

Bi zimanê rastiya sipî û tenik şîniya me wergerand, û dengê çiyan, dengê evîndaran, dengê leheng û şerbazan ji wê şîniyê afirand û bi bîna kelepor û folklora kurdî, bi reseniya kesayetiya dîrokî, û bi gêwl û jiyana rojane ya gelê kurd ve girêdan.

Axîna xwe- Axîna ko tenê dikare axîna M. Şêxo be!- bi îstgehêن welatperweriyê, bi cegerdariya pêşmergan, bi konêن reş û bi reşgirêdana dayikan, bi ala rengîn û bi xwîna pîroz, dipêça, dadigirt, û bi wê axînê di ser dev re dicû!

Kelegirî, li ser derd û kulên kurdistanê distira!

Şev bê hevv bû. Keça kurd li ser piştiyekî pûş vezilandî bû. Havîn germ û sînor sincirî bûn, xwêdana hêviyê ji ser eniya xwe paqîj dikir û distira!

Ji paleya ceh û genim re distira.

Ji garis û pembo re distira.

Ji oxir û xatirxwestina dawîn re distira.

Ji cenga dawîn re, ji maça dawîn re, ji çemê dawîn re, û ji xwîna dawîn re distira.

Dengê wî hildiperike nexşeya Kurdistanê.

Têlêن tenbûra wî asoyêن lêvêن birîndar dixemilînin.

Hunermendekî rastîn bû. Ji cergê milet derketibû, û her ji bo miletê xwe, huner û stiran û saza xwe danî kêleka tivingê.

Stiran jî xebat e, wisa digot.



Xwe ji sînga Qamşlokê ber nedida. (Divê ez li Kurdistanê bimirim). Axa wê dilovan e, nerm e, pîroz e. (Xemgînekî mîna min gerek li axake xemgîn bê veşartin).

Lewra M. Şêxo tu carî çenteyê xwe ji bo seferê amade nedikir!

Lê Azara porkem tê, tê û reşkonekî nû vedigire, û evîndarê axê, gul û baranê, ji nav destê Qamişlokê direvîne.

Qamişlokê jî, laşê narîn û nazik li ser darbesta dilê xwe dike, û bi gavine giran, bi evîneke payebilind, berê xwe dide goristana Hilîlîkê.

Pîrejinekê porê xwe dikîsand û digot: “Bejna çiya çû!!”.

Bejna ko hetanî sînorêñ mirinê ji kurdistanê hez dikir, vê carê bi rastî jî, çû, çû, çû.

SERPÊHATIYA

BÊKESÊ TÊLO

Navê wî Bêkesê Têlo ye. Ew jî mîna her zarokekî dîtir, di çavên dê û bavê xwe de karexezalê pêşerojê bû. Diçe dibistanê. Dibistana seretayî kuta kir û berbi ya navîn de firiya. wek hespê cirfîdê ev qonqx jî birî da ko bigihêje xwendina lîseyê. Du qonaxêñ zanistê bi dawfanîn, tişteki pir hindik mabû, ko ew jî biqasî wê şiyana pêwist a ko wî bigihîne xwendegeha bilind; a li paytexta welatê wî yê erebî, bû. Lîbelê xewnen wî yên wê çaxê yên navnetewî, qublenameya dilê wî berbi paytexta ko wê demê paytexta nîvê cihanê bû ve, vekirin: Moskova. Dê biçe Moskovayê. Balefir dizanin çawan di esmanê naskirî de, di wê xêza ko ji çend kevanan pêk tê ko îstegehêñ rêça şin in, berbi Moskovayê de, biçin.

Ne xwe, gerek, cilübergine paqij û alavine guhdariyê ko li wê derê li bazaarın nînin û tütineke Emerikanî peyda bike, ji cihekî dûr tê, tu kesî jê nepirsî û ne jî tu kes lê geriya, çunkî xwendevan e dêmek parastî ye, û hilbijartina Moskovayê bixwe, ji boyî wergirtinazanînê, parastinê xurttir dike, besdariya giyan bo "madiyetê" ye. De em herin cem partiya herêmê, cem nûnerê cîgirê komîteya herêmê wisa ligorî bclavokên Oktoberê; meha azadiya nû.

Parşî dikare ji Bêkes re li ser lîsteya xwe bûrsekê peyda bike, lê peydakirina pasortekê çetin e: Ha va şikestina xort



Selim Berekat

a pêşîn li vir dest pê dike. Nijada bineêla wî ya ko li bajarine dûrî dilê welêt dijî, tu carî nediramiya ko dê rojekê ji rojan hewcedarî pasortekê bibin. Dûrtirîn cî ji bo wan gundêñ ko li ber destê alavêñ veguhestinê bûn; ligor qonaxêñ xwe: Ker, Qantir, Erebane, Kemyon. Hd. Lî li ser rêça Moskovayê gir û çiya û gol û derya peyda dîbin.

Berê ji bo nijada Bêkes dijwariya rêuwiya salekî, wek nimûne, dîkarîbû bi awayê xweamadckirinê, hinekî sivik bibe; hctanî ko mirov lawaz û ji seqem û germê çerm qemirî jî bigihîsta. Lî li ser rêça Moskovayê sînorêñ welatan hene, pasvan û newbetdarêñ bej û derya û esman hene, ji bo derbasbûna di wan deriyan re kaxezêñ bi mohran mohrkirî û belgeyêñ fermî pêwist in.

Hêvi nehat birîn. Di her yasyayê de kunej ji bo bi dizî lêzîvirandinê heye. Bêkes bê pasport e çinkî di stûneke taybetî de, ji stûnêñ defterêñ dewletê "MEKTÜM" hatiye nivîsandîn, ev peyv jî kurtkirina nehêñî ya hevokeke rewânbej e: "Li daşreyêñ nifüsê ne

mûsecel e“, ango: tunebûna belgeya yasayı ya birana (burhana) hemwelatiyê ye. Dêmek, çi biran li ser hebûna Bêkes nîn_e ji bili belgenameya MUXTARÊ taxê, ev belgenameya ko xwe biçirîne nikare jê re ji bili kaxzeza “Ixrac Qeydê” ya ko cî û rojçebûna wî destnşan dike, bi destxîne. Ne xem e.

Moskovayê li ber dest e, Bêkes ji ji xwe dijî, dêmek dê xwe ji kuna cî, li cî bizivirîne. De em berê xwe bidin Beyrûtê. Hûn pasportekê dixwazin? Hêsan e. Fermo: Pasportekê Bulgarî, nîv nazik, sext e lê bi zirekî, digel tembinameyekê ji partiyê. De berbi rêça esman de, Dê Bêkes biqîre.

Moskovayê ya wî ye. Kurd e û pasporta wî Bulgarî ye. Tu kes bi hûrbînî li ser vê pirsgirêkê ranewestiya: Bêkes bi pîroziya navnetewibûnê hatiye nixumandin, anîha, li xeniyê xwendevanên nijad yekbûyi dimîne, xwendevanên ko dê derfetine, ko qet nema careke dî dubare dîbin, bi dest wan bikevin, dê keçen por zer bi hêsanî û li bin perên dilovaniya çînî rakişînin zeviyên evînê. Lê Bêkes, wek gelekên dîtir, kësa wî ji dilbijandinê serberdayî û wisa hêsan re nayê, çunkî girêdana dilê wî bi jinê ve gerekî pêgirêdana “pîrozmandî“ û “qedexe-kirina“ ko li wê derê ye, li ber dergehêñ dilbijandinê, têkçûne.

Ha va ye, ne xwe Bêkes, mîya xwe dît. Keçekî qubrusî ye, şiyar e, çetin e, di xweşî û nexweşiyê de li ser ko sira xwe pêşkêşî mîrekî tenê bike hatiye bi şîr vekirin; hetanî ko bilalûk li ser bêvilan û li paş guhan xuyanî bikin, ango hetanî pîritiya dûr û kûr. Demekê hevaltiya wê kir, pişt re ew ji xwe re kir jin. Hê li Moskovayê li ser rûniştekên xwendinê bûn, lawek jê re anî, ji bo bi navkirina wî hevdû rakişandin. Wê navê wî kir “Valantino“ (evînbaz û dildar û mehrebanê maçan), Bêkes ji navê wî kir“ canda“. Dayikê kurê xwe danî mala bavê xwe, li Qubrusê, û

vegeriya pasporta mîrê xweyî xwendevan, û bi zanistiyên kîmyayê û amadekirina dermanan mijûl bû, Bêkes ji serberdayî bi zanistiyêن dahênanâ televizyonî mijûl dibû, hemî behreya xwe ji bo pêkanîna filmekî li ser helbestvanê kurd ê bêmînak “Cegerxwîn” terxane kir. Cegerxwîn helbestvanê ahengên kurdan, tu stiraneke kurdî nikare xwe ji peyvîn wî yên sade, miş girî, miş şadî, hêsan, yên li ser hemî zimanî, rizgar bike. Lîbelê peyvîn wî yên dîtir ji li hevûdû digerînin, peyvîn wî yên nehêni; Peyvîn Cegerxwînê şoressêr, peyvîn Cegerxwînê çînperest, peyvîn Cegerxwînê ko baweriya wî bi çarenûsêñ gellan û bi xweşîya pişî pevçûnan, dihat. Hevalê Nazim Hikmet û Poul Elward û Aragon e. Jiyana xwe, wek “Mellayekî“ misilman i zana, şîretvan, mamostayê xwendin û bilêvkirinê, bi ezmûneyên hişyariyê, dest pê kir, û ji nişkêve pişta xwe da şâşik û cubeya xwe, û li bin perên rîbaza madî bû rîberê birayetiya mirovayetiye. Dijminê wî pir dibûn, dikandaran nema tişt difrotinê û silava wî nema vedigerandin. Lê belê helbesten wî yên evîndariyê tu carî ji “mîhraba” stiranê qutnebûne: “Ez kevok im, kevoka reş im, li ser bana...”, ji bo kurdan dibe çavkaniya yekemîn a sloganan: “Ez kurd im, bejin bîlind im...”, “ez sor im”. Pêşî Moskovayê bi dilşadî wek sergomgehê hilbijart, pişt re berê xwe da Siwêdê, hetanî mirîna xwe bi destpakî xewna Vladîmir Îlîç Lînîn diparast.

Bêkes ligel kamîraya xwe ya sînemayî berê xwe da “Cegerxwîn”, li hawirdor maseya wî, pênûsêñ wî, kaxezên wî, dengê wî, wêneyê wî, digeriya. Li jêr sîbera zilamê girs i xweşik çûn û hatina li bexçe ji ji bîr nekîrişû, zilamê ko eger keçen wî bi cilêñ xwe yên kin li kolanê diyar bibûna, kurd û reşen bavê

xwe ji ser hişê xwe diçün. Ha va ye, mebesta min Bêkes e, dawiya dawî, serencama xebata wî belgekasêtek e; ko pişte dê li ser camên qalind ên televizyonan li Moskovayê û li hin welatên Ewrupayê, wek silaveke bêdeng, her ko miletékî bi kêfxweşiyê kerixî bînin bîra xwe, bê weşandin.

Xwendin bi dawî hat, Bêkes û jina xwe téra xwe zanîn wergirtin, lê, dê Bêkes vegere kûderê? Pasporta wî ya ko "sosyalîzmê" çavê xwe jê girtibû, li welatekî dîtir bi hêsanî dikare bê naskirin. "Jinê! De berf min her welatê xwe û çareyekê bike" ji jina xwe re got. Jina bejinzirav û peyy lezok berf wî çû. Mizgînî jê re hat: Dê Qubrusê pêşwaziya wî wek mîvan li cem jina wî, bike. Carcaran, pêdivî û erkên mirovayetiyê bi awakî bêmînak zelal in, bi taybetî eger gêwilê "Wezareta hundir" a welatekî bixwaze.

Bêkes rêça derketinê ji xwe re peyda kir- Anglo ew pasporta ko ji kaxezekê pêk tê û rê dide derketina bêveger.

Nexem e. Bêkes li balefirxancya Larnakayê peya bû. Jina wî û kurê wî ew wergirtin û bi hev re li Nîqosya ya çeleng berê xwe dan "Hêlinâ malbatî"; Nîqosya payedar û bajarê dawîn ê dabeşkirî di herêmên nijada mirovî de.

Hemî gihiştin hev, ser seran û ser çavan. Lê anîha gerek civana ligel kar bê nijandin. Zanistiyêñ bikaranîna kamîraya sînemayıñ dilerizin. Li Qubrusê yên ko alavêñ veguhestina wênekeşana bi bizav, hildigirin, pir in, hevbeşekî wek bêkes wîsa bêbelge û ko ji nişkê ve hatiye, dê çîma ji wan re gerek be? Derfet nine. Bêkes bi yewnanî û rûsî û erebi û kurdî pir baş dipeyive, û bi ingilîzi çinivinê dike û çar gotinêñ fransî û du gotinêñ Elemanî û bi itali jî "Roj baş" dizane. Lê, derfet nine, nexwe ka em herin li karxaneyêñ ko li ser van tixûban belabûne bipirsin, ka em herin ji

firoşgehan û ji enbarêñ firotinê bipirsin; ka em herin li wan deverêñ ko karkerêñ gellêñ rexê rojhîlatî derya sipî bi dizî û bêferman dixebeitin, bipirsin. Lêbelê Bêkes ji ber mafê rûniştina xwe ya pîroz eger kar bibîne dikare mafê kar bi hêsanî wergire, li vir di navbera rewşa wî û rewşa wan karkerêñ "Ne qanûni" de cihêwaziyeke mezin heye; karkerêñ ko her pênc şeşek bi hev re xaniyekî kevnî herifi li ser "sînorê kesk" ko çeperên pasvanan li bakur û li başûr ji hev cihê dike, kirê dîkin. Gerrek li vir, gerrek li wir, û karekî ji tunebûnê çêtir li karxaneyeyeke boyaxê peyda dike: Bîna terbentinê ya ko mirovan sergêj dike û peşkêñ boyaxê ko ne şerwal û ne jî gumlek ji wan difilitin, û demjmîrêñ bi hevûdû ve girêdayî ji sibehê hetanî êvarê û hilgirtina bermilan berbi alavêñ tevlihevkirinê de. Hîvî nîn e. Salek, dusal, sêsal, çar, pênc, heywax li windabûna dema wergirtina zanistiyêñ Moskovayê!!.

Bêkes biryar da ko vê rêça xwar a "qedera madî" hinekî serrast bike. Rûs, pistî têkçûna sistêman, bi awakî pir balkêş têñ Qubrusê, Kompanî, firoşkar, jînêñ xwefiroş, dîlangerin, mafya.

Nexwe derfeta kar li ber Bêkes firehtir dibe. Rojname ragihandinan belav dike û bi lavlav wergîrêñ ko yewnanî û rûsî dizanîn, dixwazin. Kompaniyêñ seyranê ji dayik dibin û diteqin, wek teqîna daniştûyî ya li Afrîkayê ko li wir, bi birçibûnê û bi mirina ji birçibûnê çareser dibe.

Dê Bêkes digel çar zimanan berê xwe bide wan. Dê bi rûsî ligor reseniya Pûşkin û rewanbêjiya bilindgoyêñ soviyêtan û devoka haşkirina derveyî bi zimanê Şêrnömerdin bi wan re bipeyive. Dê li vir kî mîvanêñ we bin? Ma Ereb in? Fermo va erebiya min jî ya bi réziman û ya bêreziman, fermo devokêñ başûr, û rojhîlat û hin ji devokêñ rojava jî. Û ji bo kesen ko bi

yewnanî dipeyivin Bêkes xawenê aqilê berxwedana analîza Berêz Kosta Afigalo ya di rojîna "Gîtîros" de, ye. Karmendêن ko pisporiya wan bi van herdû zimanan girêdayî ye, di cî de, bixêrhatina Bêkes dikan. Daxwaza me tu yi. Pişî bixêrhatinê, şêweyê ziman û axaftinê têt guhertin, têt guhertin da ko hêjayî rewşa kompaniyen be: Mişekî hindik, lê serê her bikirekî(Zibûn, kund) jî tiştek jê re dimîne. Baş e, pêwist e Bêkes xwe ji boyax û terbentînê rizgar bike. Pêwist e îca gerefêtekê û çakêtekî xweşik û şerwaleki útikirî li xwe bike. Dê kurê wî mit û mat lê temaşe bike û bibêje: "Tu yê bi cilên baqîj biçî kar?". Erê dê Bêkes bi cilên paqîj biçe û dê bejna wî ya dirêj dirêjtir bibe. Lêbelê di vî karî de; karê ko Bêkes dê serê her bikirekî perana bi destxîne, ji bîlî çend rojan nadomîne. Tev derew û xapandin e. Şarezayiya rûsan rê nade Bêkes ko südekekî ji bikiran qezenc bike. Na. Pêlewan in. Baş e, kompaniyen mezintir hene, di anonsa mezin de bi payedariyeke eşkere ji dayik dibin, lê ji dil jê re dibêjin: Kaxezên daxwaza kar bîn, digel kaxezên pişê û zîrekiyan, digel kaxezên cîgehê perwedebûnê, digel yên hebûna te, anuhayî û paşroja te, û yên başbûna rabûn û rûniştina te, belgeya rûniştina xwe ya qanûnî, û belgeya jinanînê, û madam tu biyanî yi tika ye tu yê kopiyakê ji pasporta xwe jî bînî.

Hemî daxwazên wan dikarin bi awakî ji awayan peyda bibin, lêbelê kopuya pasportê? Hey hawar!

Ma tu bê Pasport fi? Tu çawan derbasî vî welaşî bûyi? Tu çawan ji welatê xwe derçûyi? Çi? Tu bê hemwelaşî yi?!!!?!!! Te li Moskovayê xwendîye? Te çawan li Moskovayê xwendîye? Na. Li me negir, daxwaznameya te nayê pejirandin.

Bêkes boyax li paş xwe hişt. Peymanek bi kompaniyekê re imzekiribû lê ew xapandin, dest vala derket. Va ji nû ve li anonsan digere. Bêhêvî dibe, berê xwe dide baylozxaneya welatê xwe: " Ez dixwazim mirovên xwe bibînim ". Jê pîrsî: " Tu çawan ji welat derkeşî, madam te mafê derketinê wernegirtiye tu nikarı mafê vegerê jî wergirî".

Wexta ko min romana xwe " Hozanên taristanê " ya ko di sala 1985 an hatiye weşandin, nîvîsandibû, min navê Bêkes ji bo qehremanê wê hilbijartibû. Bêkes navekî kurdiyî navdar û naskirî ye, lêbelê wê wextê ez pêrgî tu kesî nebûbûn ko bi rastî navê wî Bêkes be, hetanî ko ez rastî kirîvê xwe yê ko bi deh salan ji min biçüktir e Bêkesê Têlo, hatim. Bêkes jî pirsgirêkeke dîstir e, pirsgirêkeke ko palpişta wê pirsgirêka qederiyane ye ya ko min di " Hozanên taristanê " de ji bo Kurdeki bi karanîbû. Carcarann danê sibê, bêsoz tê cem min, pêwist nake ko min agahdar bike, çinkî ji du salan û vir de ez bixwe serokê yên bêkar im. Ji malê dernakevim. Her li metvexê rûdinêm û bi sê tiştan mijûl dibim: Zanistiyên vegotinê û angoyan, û kaxezine sipî ji bo bi destxistina buhayê kirîna nîn, û ferhengine xwarinçêkirinê da ko li ser agirê wan xêzine ji xwarinê bo jin û kurê xwe amade bikim.

Çifteya min a nêçirê jî li tenîsta min e. Ji pencereya metvexê, nêçîra balendeyêñ ko li ser darêñ miyoborosê daşînîn, dikim. Ma gelo kesen tenik dê ji min bixeyidin? Ma gelo helbesta tenik a ko şahiya vî gerdûnê tenik e dê ji min tore bibe?

Hesreta her çûkê ko di vê navçeyê re, bi bilindahî bifire ew e: ko çawan neketiye nav destê min. Ev balende, seet dehê sibehê, di bin zimên de pir xweş e, kirtekirta hestiyen wî, bi xweşî, di nav diranên kursiyan de, pir xweş e.

XEWNZAN



Hendirên

Ev xewn, bi te re; mîna lêpirsin û sergêjahiya biyaniyê
 û mîna dilbijandina masiyên di kûrahiya te de mişextbûyî, bi rê dikeve.
 Tu, di sergerdaniya tarûmarbûyî de dibezî.
 Bi bêdengî, tu, bi gunehêن xwe sîberên xwe dikujî: Namirin!
 Ev xewa pûr jî, wek kolanêن bêzariyê:
 Ne gor e û ne jî term e.
 Rêkewtekê* wek ko kor be û bangekê wek ko mest be, tu dibihîzî:
 Nizanim ma gelo ev çirokek e û kolana zaroktiyê dagir dike
 yan jî sîbera çûkêن efsanewî yc;
 çûkêن efsanewî yên bîre ko ji xafiliya Xwedê reviyan û
 li ser zeviyêن gumanê bi şevdêri sirûdêن tenhatiyê distirêن?
 Bi hêviyek e sar,
 Bi rûyeki jibirkûyî, misewgeriyê dixapîne û
 diçe nav deryaya nediyariyê.
 Di gemiyêن gêjahiyyê de, oqyanosa jibirkirinê te dadiqurtîne

û bi baskêن şilbûyî yên pêlan, tu radiçelqî:

- Ev xewn li kîjan îstegehê xewnê bi min dibîne!

Kolana zaroktiyê?

Hebûna xweliyê?

Sirguna bêzariyê?

Yan jî bireke bê ceografya?

Li wir, kolan xewnan dibînin

Kolanek e û hawarî zaroktiyê dike.

Guman jî, bi alîkariya bagerê; pelên xwelîstreng ên jibirkirinê

bi ser nediyariyê de belav dike..

Galîskeya** bêzariyê jî, vê xewnê, di ceografyayeke falicbûyî de, digindirîne:

- Ji vir a bê cih û war, ev ez im, didim rê

û şûnşopa xwe di bin lingêن qonaxan de dihêlim.

Mîna seferê bi çavêن te dibihurim:
 Min nahêwirîne!

Li wî alî çavên te, stûnêن baranê bi firê dikevin

û `edema destê evinê, rimê davêje bêbaweriyê

û gerdûn jî li ser bênahiya çavên bêhûdeyiye ava dibe.

Li vî alî çavên te, kurtpista lêvên neagahîyan e û

Xerizeya surryalî ya helbestan e.

Ev xewn te diyarî vê pirsê dike.

Ev pirs e û di kolana tenhatiyê de sefer dike.

Ev xewn mîna lêpirsinê ye,
 mîna sergêjahiya mişextiyê ye,
 Navekî diyarî vê edemê dike:

Li vî alî . . . Li wî alî!!

Li wir . . . Li vir.

* Sudfeyekê

** Erebane

ŞEVÊ



Mihemed Effî Huseynî

Amûdê yekemîn bajarê tozê bû, pişti wê, çend bajaren dîtir rûpelên xwe yên ko balende û toz li ser wan kom dibûn, vekirin.

"Hec Ebdû" xanimên xwe yên bedew bi xwe re anîn, "Şevê" ji xanima ko tu kesî ji xelkên Amûdê di jiyana xwe de neşîya wê bibîne pê re bû. "Şevê" xwe şanî bûneweran nedikir, tenê "Dawidê Medina" pasvanê ebedî yê kevirên Amûdê û pasvanê payedariya wê ya di navbera misînên sıfır ên mizgeftê û imamê xwîngerm de dabeş dibû, li ser "Şevê" dipeyiv" û digot:

"Şevê" ne keça "Hec Ebdo" ye, lê neviya mîrên ermeniyan e, mîrekî kurd li nik ewrên koçbariyê û rengên dijwar ên li kéléka Gola Wanê pêrgî wê bûbû, ew revand, û pişî sê mehan ligel "Şêx Seîd" bi sêdara hişk ve li ba dibû. Mîr

baskekî xweristiyane yê Şêx bû, dema ko trênen tîrkan sor dibûn, lê ewle dibû, û dema ko bîharê toza gulbişkêvan dihingivand bêvil û sînga nexwes, ew dida alî... Wexta ko hatin girtin, Mîrê "Şevê" pişti Şêx Seîd hatibû daliqandin... Ci hechecik ji şaşika wî nefiriya, mirina wî jî çend kîlikan dereng ma, "Şevê" çavdêriya wan dikir, wexta ko mîrê wê hilkişya sêdarê, bi merdî tîrsiya, û cîhan tev li paş xwe hişt:

- Mîrê min! Ez ci navî li kurê te bikim?
- Birîndar.. Birîndar Şevê Birîndar. Ew baş zefkirin û serê wî radan kîsekî ji kitana sar û zû bi zû lingên wî li ba bûn û qirika wî çemiya.. Ne toza gulbişkêvan ji erebanan derçû û ne jî Mîr dikarîbû cara dawîn hilma "Şevê" bîn bike.

"Şevê" ligel yekemîn karwanê mihaciran berê xwe da Amûdê, û Amûdê hêdî hêdî mezin bû:

- Em dê xaniyekî ji keviran û axurekî biçük ava bikin.
- Ji bili çarox û destêñ ko alavêñ kar bûn, tiştekî "Hec Ebdo" nîne, kevir li ser kevir, zemînê bi hêzdariya xwe mit û mat dike û bi hêminî qoçanêñ xwe pêşkêşî esmanê Amûdê dike:

Nexwe mirov bi kevirên sıpi û mezin dikare herdemiya vî bajarî derbas bike!

- Lîbelê kê ev kevir anîne vê derê?
- Herikîna xwînê "Seva" min, ey kelpîça min a giranbuha!
- Ü Amûdê hewcedarî pasvanekî û goristanekî ye, hewcedarî meya Mîrdînê û hiriya pez e, hewcedarî tütina "Sado" ye; hewcedarî hespêñ, ko

di nav mayinan û sînoran û bîna
serleşkeran de. bi hêmînî dihîrin.
Li rada mehekê toz li ser destnivîsê
kom dibû... Tozeke nerm... Tozeke
şaytok û bi tenha, tozeke li ber çavêن
“Hec Ebdo” derngmayî ye, û
“Birîndar” neviyê sala 1925 an ji dayik
dibe.. Qonaxine dûr û dirêj biribûn, ji
maka “Şevê”ya xemgîn berbi ahenga
kevirên di nav destên “Hec Ebdo” ve,
dihat, dergûseke textinî jê re çêkirin û
gerzela kewan danîn ber serê wî.
- Bi qebqeba xwe dê bavê wî di bîra wî
de bînin.

Cîfniyên mezin ên ji sıfir, misinêni ji
sıfir, zanîna koçbariyê ya ji sıfir, porê
“Şevê” ye ji sıfir, kuştiyên Amûdê yên
ji sıfir, Mîra gustîlka ji sıfir, sıfir
çingeçingê digihîne guhêن “Birîndar”,
û kevir bi avahiya xwe ya nerm
dinixume, mîrlikêñ ko bi kar û barêñ
xwe mijûl dibin, û helbestine ko
binemalê kurt dikin û bi derengî di “
Haware” de belav dibin.

- Sıfir dixwin.

“Hec Ebdo” çaroxa xwe li xwe dike, û
di jibermaya cîhana xwe de dimire.. Zû
dimire.. Gopalê bi sıfir neqîsandî,
çaroxa mezin a sor, şâsika qalind, û
demjimîra bêrîkan a ji zîv, û vagona
trêneke dûkelî, refikêñ bilind û pêçeka
nexseya Amûdê, kevirên ko li nêzî
mirina wî mabûn, tiştên wî yên
dilovan, û qesfa xemgîn a çarşemiya
wî, li ser darbestê dirêjkirî ye, û
çarşema ko ew berbi sînor de dehf
dabûn, tîne bîra xwe, kavilêñ gundan û
wêranê tîne bîra xwe, derbirîna nû ya
sifira pîremêriya zû hatî tîne bîra xwe.
“Hec Ebdo” li ser darbesta bizdayî
dirêjkirî ye û bi awakî kûr dirame, bi
çavêن xwe yên girtî Melayê xwîngerm
dibîne ko çawan li lingêñ wî yên mezin
temaşe dike, li wî xaniyê li tenişt
mirinê, kevirên xwe û laliyêñ xwe yên
ji sıfir tîne bîra xwe, herdû çavêن
xweşik ên “Şevê” tîne bîra xwe,



tenhatiya dilovan a mîrlika xwe ya
biçûk tîne bîra xwe.. Mêranî lê
vedigere lê nikare, hest dike ko hêmînî
wî pûç dike, lewra ji hundir derdiikeve
û di hinavêñ xwe de hemî kesen ko
wan naskiribû yên ko hergav linik
kevirên koçbariya wî diman, berhev
dike.

Tîne bîra xwe.. Û “Birîndar”.. Ax..
Birîndarê ko bi çarpiyan berbi wî ve
diçû, lê nikarîbû ew himbêzkiriba..
Xweşik nayê bîra wî, lê dibêje:

- Eger mirin wilo ye ica ji bo çi ez
nasîrim?

Û Winda dibe.. Winda dibe.. Difire, ji
kevirên xwe û ji xanimêñ xwe yên
xweşik dûr dikeve, nêzîkahiyê li axa
Hesenê Gunreş dike.

JAMES ALDRIDGE :**..NA, EZ JÎ MAC-GREGOR IM.**

Rojeke pêncsembeyî sayî û geş ez ji Zanîngeha Teknikî ya bajare Brno, ji Fakulta Radyoteknikê li cada Lidicka piştî rojeke tiji kar, derketim û min berê xwe da antikvaryata li cada Çeska, ya li Brno bi navûdeng. Li vê cadê mirov pêrgî her tiştî û her kesî dibe, ew weke dilê Brno bi çalaklı dijene. Antikvaryat pirtûkxaneke taybetî ye, ew pirtûkên kevn bi arzanî ji xelkê dikirin û piştre bi fêdeke piçûk wan dîse difiroşin. Ew der ji bi rastî yek ji cihêن ko min geleki jê hez dikir. Pir caran mirov pirtûkên hêja li wir didîtin, wek nimûne pirtûka Kurdistan ya nivîskarêن li Çekoslovakia bi navûdeng Hanelka û Sigmund û pirtûka Extera Mirovan (Planeta Lidi) ya František Kejik, ko tê de beşekî mezin li ser Kurdan bi navê Birayêن min Kurd nivîsiye û tê de dibêje 'Eger ez ne Çek û ne Moravî bama minî xwestibana, ko ez Kurd bama'. Wê rojê jineke zirav û dirêj, temenê wî li dor çîlî bû, kete hundirê antikvaryatê û yekser berê xwe da kasê. Tûrikek li milê wê bû. Tûrikê tiji pirtûk danî ber karmenda, ko li ser kasê kar dikir û got:

- Ev dîroka Sovyêtistanê ye, ew nema ji min re gerek e, ez dixwazim, heke bi arzanî be ji, ez wê bifiroşim.

Karmendê pirtûk bi rastî bi arzanî jê kirin. Lê hin kesên li wir bûn, firotina wan pirtûkan li xwe nexweş anîn û gotin, ko çawa bûye, tu hatiye dîroka Sovyêtistanê ji mala xwe derdixî û bi arzanî difiroşî. Di vir de guftûgoyeke germ destpêkir û em kesê li wir, em tev li dara wan kombûn û me ji xwe re li wan guhdarî kir. Jinikê bi zimanê



Zagrosê
Hajo

xweyi çalak û dîtinêن xweyi zelal zora hemûyên, ko serê xwe li ber rakirin bir, ew çû nav gelek mijaran, lê bi taybetî di pirsên dîrokî de zîrek bû. Piştî ko dawî li qerebalixê hat, ez çûme cem û min got:

- Ji kerema xwe tu dikarî şîretekê li min bikî, da ez hin çavkaniyêن dîrokî li ser Kurdan bibînim?

Wê bi dengeki bilind û herkok got:

- Tu dixwazî li ser dîroka Kurdan ya kevn yan nû ya zanibî?

Ez mame matmayî, ji ber ko kêm xelkên Europa li ser Kurdan di wê demê de tiştin dizanibûn, lê min bi lez got:

- Dîrka kevn.

Wê got:

- Here li dîroka Ermenistanê ya sedsalêن deh û yazdehen binere, li wir gelek tişt li ser Kurdan hene!

Ez ji antikvaryatê derketim û ketime pirtûksiroşa li hemberî wê. Weke her pêncsembê rezeke dirêj li pey hev bû û pirtûkên nû dikirin. Li Çekoslovakia bûbû adet, ko pêncsembar pirtûkên nûweşandî li pirtûksiroşan dihatine belakirin û xelk li pey hev dibûne rêz, da wan bikirin. Ez ji ketime rêzê de, da

ez pirtûkekê bikirim, lê min dehnê xwe dayê ko gelek ji yên li pêşîya min dibêjin Fraşka se zbranemî (Çek û Çiya), ya James Aldridge. Min dît ko gelek ji vê pirtûkê hatine kirin, êdî ew ji min re bû meraq û min jî hema got:
 - Fraşka se zbranemî (Çek û Çiya) ya James Aldridge.

Li malê min dest bi xwendina pirûkê kir, heylo ez ci bibinim, gava ko pirtûkek ji yên herî bi nerx li ser Kurdan bi lunerekî wêjeyiyî payebilind hatiye nivîsandin, li ber min e. Ji wê rojê pê de min geleki xwest ko her tişî li ser nivîskarê wê bizanibim. Piştre min pirtûkeke, giranbuhatir, ya James Aldridge bi navê Diplomat jî bi destxist û xwend, êdî nivîskar hê di çavê min de mezintir bû. Diplomat pirtûkeke ji gewdê mezin e, naveroka wê li ser diplomasiya pişî Cenga Cihanê din nav Inglistan û Yekîtiya Sovyêtî de li ser kêşeya Komara Kurdistan û Azerbêcanê ye. Welatén Rojava digotin, ko tiliha Sovyétan di avakirina van herdû komaran de heye, lê wan jî ev tişt didane mandelayê û digotin, na gelê Kurd û Azer bi xwe bîryara damezrandina dewletên xwe yên neteweyî dane. Büyerên pirtûkê bi awayekî huneriyî herî bilind hatine hûnandin û mirov hin caran goman dike, ko ew belgeyeke dîrokî dixwêne û dibe şahidê afirandina kîlîkine aloz ji dîroka gelê Kurd.

Gelek sal derbas bûn, ez vejeram welêt û li wir bicihbûm. Rojekê Rezo telefon ji min re vekir û got:

- Dibêjin ko James Aldridge bûye mîhvanê Mihrecana Sînemayî li Şamê û Bavê Nazê hêvidike, ko tu û filankes pê re bi navê Komela Kawa ya Rewşenbîrêni Kurd herine pêşîya wî. Ma tu ci dibêji?

Min bi rastî di xewnan de jî goman nedikir, ko ezê carekê pêrgî vî camêrê hevqasî bi kûrayî û nazikî li ser pirsa

Kurdan nivîsiye û kul û derdên Kurdan naskirine. Ew ji min re ne weke mirovekî bi goşt hestû xwiya dikir, lê ew li ber çavê min weke kesekê afsaneyî bû. Min yek nekire dido û got:
 - Erê, ezê bi wan re herim.

Navê hevalê me yê sisîyn weke filankes ez dibêjim, ji ber ko ez rêzê li daxwaza wî digirim, da navê wî neyê naskirin. Hevalê me komunîst bû û wî nedixwest, ko hevalên wî yên komunîst zanibin, va ye ew xwe tevlî pîrsên Kurdan dike. Komunîstên kurd wilo têgehiştibûn, ko kurdâyeti pîrseke nîjadperestî ye û dive ew li dijî wê bin. Em hersê bi hev ketin û me berê xwe da Şama şerif. Weke gelek karê me Kurdan çûna mc ne birêkûpêk bû. Me nîzanîbû, ka James Aldridge kengî dîgehe Şamê, ewê li kû bi cih bibe, emê kengî, li kû û çilo wî bibînin? Lê me



bîra gelek tiştên giring jî dibir:

- Me dizanîbû ko dive em bixîrhatineke wilo mezin jê re bikin, da ew bizanibe, ko ew di çavê Kur'an de gelekî giranbiha ye û Kurd ji ber hilwest û hestên wî derbarê Kurd û pirsa wan, têkoşîn û hilwest û hestên piştgîriyê, yên lehengên pirtûkên wî, pir spasdor e û nameyeke spasiyê bi navê Komele Kawa di vî warî de jê re pêşkêş bikin.

- Emê jê bixwazin, ko navê herdû navdarêni kurd Cegerxwîn û Yilmaz

Guney pêşkêşî Komîta Xalata Lenîn ya Aşîtiyê bike, herwekî ew bi xwe jî endamê wê komîteyê bû.

- Dive ko em li ber xwe bidin, da hijmareke mezin ji rêxistinê kurdistanî navê xwe di bin pêşniyaza dana Xelata Aşîtiyê bo Cegerxwîn û Yilmaz Guney binivîse.

- Dive ko em hijmareke, ta bi dest me ve were, mezin bênine cem hev, da bi hev re werine bixêrhatina wî û da wî nasbikin û ew jî pirsa gelê kurd jê re sirove bikin.

Li Şamê em li hotêleke ji pileya navîn bi cih bûn. Hotêl di nîvê bajêr de bû û vê karê gera me hesanîstir dikir. Me dest bi gereke sistematič kir. Ji ber ko Aldridge mîhvanê mehrecana sînemayî bû, em çûne dora sînemayên mezin bi hêviya ko em sopekê bibînin, lê ti nişaneke ko alîkariya me bike me nedît. Kurd dibêjin ‘*Bi pirsê, digehê Xurşê*’, me jî di vir re di wir re pirsî û me naskir, ko James Aldridge li hotêla Al Şam dimêne, lê niha ew ne li Şamê ye. Ew çûye dari kavilên bajarê dîrokî Tedmirê yê li çolistana sûrî û ew sibe divegere. Em mane bendewarê roja din. Roj li nîvro me telefon ji hotêla wî re vekir; ji ber ko min bi zimanê inglîz hinekî ji hevalên xwe baştır dizanibû, êdî ez bi karmendêن hotêlê re diaxivîm. Çend caran min telefon divekir û dipirsi, ma ez dikarim bi birêz Aldridge re bipeyivim. Li vir min tiştekî balkêş ji bersiva karmandan dibihîst. Ew her car pêşî bi fransî diaxivîn û li zimanê din nedibûne xwedî, êdî min bi çavê xwe dit, ko wiло bi hesanî gelê dagirkirî nikarin xwe ji zimanê dagirkeran rizgar bikin. Ev bûbû 37 sal ko Sûriya ji bin destê Fransiyen azad bûbû û di dibistanan de zimanê inglîzî pişî yê erebî tê xwendin û partiya Baasi nijadperest jî ji destpêka salên şestî ve desthilatdar e, lê hêjî ewêñ dixwazin xwe bilind bibînin, serê xwe bi zimanê

fransî bilind dîkin. Dawî ez bi Aldridge re peyivîm û me civan li hotêla wî jê stand, lê ji ber ko me kêsimê hev nas nedikirin, me nizanîsbû emê çawa bi ser hev ve bibin, rabû me ew bi hêviya guhleptika xwe ve hişt. Em zû çûne ser civanê xwe û bi çavnîrîn li bendê man. Wext hat, em rabûne ser xwe û me li dora xwe meyzand. Me dit ji nîrdewanê ve mirovekî navser, nêzîkî 60 salî, ne kin û ne dirêj bi bedlekî şîn ber me ve hat, em jî bi ber ve çûn û weke ko me berê hevdû nas dikir, me silav li hev kir û me jê re got, em kî ne û me bi dilgermî bixêrhatina wî kir. Em li cihekî rûniştin û yekser gotin hatine ser pirsa kurdi û aloziyên wê û têkiliya Aldridge pê re. Wî hişkere kir, ko di rastiyê de wî kêm Kurd bi xwe nas kirine, lê dema ko ew Kurdan dibîne, ew zû bi kul û derdêñ wan dihese. Wî got, ko mîr Kamîran Bedirxan carnan belavok û brojûrêñ li ser Kurdan jê re dişiyandin, lê basa ti kesêñ din nekir. Û ew hinekî matmayî mabû ji ber vê hatina me û dipirsi: Win komeleke kultûrî ne, ne siyasi ne? Axaftina me zû geha dawiyê, me jê re got, ko komeke nûnerê partiyên kurdistanî yêñ siyasi ji hene, dixwazin wî bibînin û wî bi kebaniya wî re vedixwêñine hevdîtinekê. Tevlî ko wî dizanibû, ko em bi awakî nehînî li vir in û dibe ko ev bi mîhvendarê wî re, ko serokê sûrî bû, dilsariyekê çêbike, wî bi dilxweşî qîma xwe anî, me xatir ji hev xwest û çûn.

Ji ber ko me beşek ji erkê xwe pêk anîbû, em gelekî dilşad bûbûn. Lê beşeki din ketibû nav astengiyan de. Hê nû ko em gehane Şamê, me xwe gehande nûnerê partiyên kurdistanî û me sedema hatina xwe ji wan re rave kir û daxwaza pişgirtina pêşniyazên xwe li ser Cegerxwîn û Yilmaz Guney li wan kir. Eger ez li vir hûr û kûr li ser bertekî û rengê danûstandinê bi vê

daxwazê re şirove bikim, ewê gelek pelên spî reş bike. Bi kurtî, eger xwendevan mozayîka bê harmonî û bi hev re nekokkirî, ya hêzên siyâsî, ko fro Kurdistan pê neqîşandî ye, bêne ber çavê xwe, hingî wê nêzîkiyê li rewşa wê dema me bike. Hinekan gotin, ji ber navê Yilmaz destê me li dilê me ye, hinekan gotin, ko Cegerxwîn endamê filan partiya girêdayî bêhvan cihî ye, hinekan gotin filan û bêhvan parti muhra xwe li ser *kaxetkîn* we deynin, emê ya xwe rakir. Ne tenê wilo partiyekê gewre, ne tenê navê xwe rakir, lê bi xwe re du partiyen din jî kişandin û *kaxetkîn* me muhr nekirin. Lê tevlî van hemû xîrûciran jî çardeh partiyen kurdistanî pêşniyazên me pejirandin û muhrkirin.

Piştre hinek xîrûcir li ser cihê hevdîstina Aldridge de jî derketine meydânê. Dostekî me ji Kurdên şamî got, ko werine mala me û bere diya min çend xwarinê kurdî jê re çêbike. Diya wî pîreke kurdî dilovan û xwinşerîn bû, mala wî li dehma tarika kurdî ya li Şamê bû û odêñ wî bi taximên rûniştinê yên kurdî raxistî bûn. Ew taxim tîstekî antîk bû, tev bi mozayîka Kurdên şamî, ya bi navûdeng neqîşandî bû. Me pêşniyaza wî baş û durist dît, lê hêzên siyâsî, yên me gotin, ko na, ew hevalê we ye, ji ber vê win dixwazin Aldridge bibine mala hevalê xwe û propagandê ji partiya xwe re çêbikin. Ëdî me dev ji wê berda û me camêr vexwende ciheki li bajêr.

Her tişt êdî me ber bi hev de anî bû, wergerandina pêşniyaz û gotinên spasdarî û bixêrhatinê bi zimanê anglîzi, piştgirî û amadebûna partiyen kurdistanî jî bûbû rastiyek. Lê me dît, ko em hemû mîr in û ti jin di nav me de nînin û ev jî dikare nîşaneke şaş bide mîhvanê meyi şerîn. Em mane heyîrî, lê dostê me yê, ko dixwest mala xwe ji me re terxan bike, çû û endameke

partiya xwe anî, ew xwendevana zanîngehê bû, û ev bû cihê dilrehetiya me, niha me karî bû em rûyê xwe li ber mîhvanê xwe spî bikin.

Roja hevdîtinê, partiyen kurdistanî ji bakur, başûr û rojavayê welatê me li hev gehane hev, di wê demê de ji rojhîlatê Kurdistanê ti partiyen siyâsî li Şamê nediman. Piştî ko hemû li hev civîn, Bavê Nazê dest bi axaftinê kir, bixêrhatineke li gor qedr û qîmetê James Aldridge kir, nameyên spasdarî û pêşniyazan danê û li ser wan axivî dawî got, ko dema em Kurd çîroka Çek û Çiya dixwênim, tê ber çavê me ko tu bi xwe lehengê çîrkê MacGregor i û kebaniya te jî Katya ye. Kebaniya wî Dana bi lez ji cihê xwe got:

- Na, ez jî MacGregor im.

Di çîrokê de Katya nedixwest, ko mîrê MacGregor xwe tevlî teşqelên Kurdan bike. Vê gotina piştgîriyê Dana Aldridge dilê min gelekî xweş kir. Piştre Bavê Nazê wergera xwe ya pirtûka Çek û Çiya da Aldridge, tevlî ko Aldridge destûra wergerandinê nedabû jî, lê ew pê şah bû.

Li wir her kesî dîtinê xwe û dîtinê rîexistinê xwe li ser pîrsa kurdî û çara wê gotin. Tiştê bala min dikîşand hijmara bêpîvan, ya pîrsên Aldridge bû. Xwiya dikir jî, ko rabûna lehiya olperestiya serhiş li herêmê, ew nereht dikirin. Wî got jî, ko hê planê wî hene, da pîrsa kurdî bike mijara berhemên xweyî wêjeyî yên nû.

Dem hat ko tev herin, êdî her yek rabû xatir jê xwest û çû, çaxê divabû, ko em jî herin wî adresâ xwe da min û weke, ko Kurd dibêjin, wî got:

Çi wextê tu werî London, mala min mala te ye.

Bernameya James Aldridge bi gelek derên din ve, bi serokê sûrî ve, bi rojname û televizyon û mehrecanê ve girêdayî bû û me hew dikarî bû careke din hevdû bibînin.

JAMES ALDRIDGE

Û BERHEMÊN Wİ

JACK LINDSAY

Wergêr Zagrosê Hajo

James Harold Edward Aldridge li Ausrtalya, li White Hills, Vic-toria, 10ê hezîrana sala 1918an hatiye ser rûyê dînyayê. Perwerdebûna wî li Swan Hill High School û li Londonê li School of Econo-mics bû. Dina Mitchnik sala 1942 ji xwe re anî û Xwedê du kur dane wan. Li Melbourne di *Herald* û *Sun* de ji salên 1937 û 1938 dini-vîsand û li Londonê sala 1939 di *Daily Sketch* û *Sunday Dispatch* de jî dinivîsand. Ji Aus-tralian Newspaper Service re di salên 1939-44 de Li Ewropa û li Rojhilata Nêzîk nûçeguhêzê cengê bû û sala 1944 li Tehranê nûçeguhêzê *Time* û *Life* bû.

Xelatên ko wergirtine:

- Xelata Bîranîna Rhys (Rhys Memorial) sala 1945an
 - Medalya zêr ya Encûmena Aşîtiya Cihâni (World Peace Council)
 - Xelata Rêxistina Navneteweyî ya Rojnamevanan (International Organization of Journalists) sala 1967an
 - Xelata Aşîtiyê ya Bîranîna Lenîn (Lenin Memorial Peace Prize) sala 1972an
 - Xelata Encûmena Pirtûka Zarokênlî ya Pirtûka Salê (Australian Children's Book Council Book of the Year award) sala 1985an
- Xelata *Guardian* ya pirtûkêl zarokan sala 1987an

WEŞANÊN JAMES ALDRIDGE:

Çirok:

- *Signed with Their Honour* (Bi Rûmeta Wan Muhirkirî). London, Joseph, and Boston, Little Brown, 1942.
- *The Sea Eagle* (Hûliyê Deryayî). London, Joseph, and Boston, Little Brown, 1944.
- *Of Many Men* (Ji nav Gelek Mêran). London, Joseph, and Boston, Little Brown, 1946.
- *The Diplomat* (Diplomat). London, Lane, 1949; Boston, Little Brown, 1950.
- *The Hunter* (Nêçîrvan). London, Lane, 1950; Boston, Little Brown, 1951.



- *Heroes of the Empty View* (Lehengê Dîtina Vala). London, Lane, New York, Knopf, 1954.
- *I Wish He Would Not Die* (Xwezî Ew Nemiribana). London, Bodley Head, 1957; New York, Doubleday, 1958.
- *The Last Exile* (Sergona Dawî). London, Hamish Hamilton, New York, Doubleday, 1961.
- A Captive in the Land (Dîlek li Welêt). London, Hamish Hamilton 1962; New York, Doubleday, 1963. *The Statesman's Game* (Leystika Keyayên Dewletê). London, Hamish Hamilton 1962; New York, Doubleday, 1966
- *My Brother Tom* (Birayê Min Tom). London, Hamish Hamilton 1966; weke *My Brother Tom: A Love Story* (Çirokeke Evînê), Boston, Little Brown, 1967.
- *A Sporting Proposition* (Pêşniyareke Werzeşî). London, Joseph, Boston, Little Brown, 1973; weke *Wild Pony* (Ponyê Kovî), London, Penguin, 1976.
- *Mockery in Arms* (Pêkenin Di Destdariyê de). London, Joseph, 1974; Boston, Little Brown, 1975.
- *The Untouchable Juli* (Juliya Nehingavtî). London, Joseph, 1975; Boston, Little Brown, 1976.
- *One Last Glimpse* (Awireke Dawî). London, Joseph, 1975; Boston, Little Brown, 1977.

Goodbye Un-America (Ji Amerîkayekê re Oxir Be). London, Joseph, Boston, Little Brown, 1979.

Çirokêñ Kurt

Gold and Sand (Zér û Qûm). London, Bodley Head, 1960

Çirokêñ kurtî necivandî

- "Braver Time" (Dema Mêrtir) di *Redbook* (Pirtûka Sor) de (New York), Gulana 1967.
- "The Unfinished Soldiers" (Lêşkerêñ Neamadekirî) di *Winter's Toles* (Çirokêñ Zistanî) de 15 çîrok, A.D.Maclean. London, Macmillan, 1969; New York, St.Martin's Press, 1977.

"The Black Ghost of St.Helen" (Cinê Reş yê St. Helen) di *After Midnight Ghost Book* (Pirtûka Cinê Piştî Nîvê Şevê) de, James Hale, London, Hutchinson, 1980.

Leystikêñ Şanoyî

- *The 49th State* (Dewleta 49an), London, 1947.

One Last Glimpse (Awireke Dawî), Prag 1981.

Leystikêñ televizyonî

Nivîsandina sînaryoya xelekêñ leystika *Robin Hood*

Berhemêñ din

- *Undersea Hunting for Inexperim-ced Englishman* (İnglizekî Nepi-spor di Nêçîra Bin Avê de). London, Allen û Unwin, 1955.
- *The Flying 19* (Firîna 19) ji zarokan re. London, Hamish Hamilton, 1966.
- *Living Egypt* (Misra Jindar), wêne ji aliyê Paul Stand ve hatine girtin. London, MacGibbon û Kee, New York, Horizon Press, 1969.

- *Cairo (Qahîre): Biography of a city* (Jiyana Bajarekî). Boston, Little Brown, 1969; London, Macmillan, 1970.
- *The Marvelous Mongolian* (Mongoliyê Hêj) ji zarokan re. Boston, Little Brown û London, Macmillan, 1974.
- *The Broken Saddle* (Kurtanê Dirandî) ji zarokan re. London, MacRae, 1982; New York, Watts, 1983.
- *The True Story of Lilli Stubek* (Çiroka Rastî ya Lilli Stubek) ji zarokan re. South Yarra, Victoria, Hyland House, 1984; London, Penguin, 1986.

Lêkolînên rexnegirî:

- *The Necessity of Freedom* (Pêwistiya Azadiyê): Lêkolîn li ser çirokê James Aldridge, di *Overland* de, Melbourne, mijdara 1956an.
 - *It All Comes Out Like Blood* (Her Tişt Weke Xwînê Derdiçe): Çirokê James Aldridge, di *Australians* de, bi destê John Hetherington, Melbourne, Cheshire, 1960.
 - *Man of Action, Words in Action* (Mêrê Çalakiyê, Gotinên di Çalakiyê de): bi destê Eric Partridge, di *Meanjin*, Melbourne, 1961.
 - *The Heroic Ordinary* (Asayıya leheng): bi destê Evelyn Juers, di *Age Monthly Review* de, Melbourne, sibata 1987an.
 - *Workers and Suffers* (Karker û Kul): *Self in James Aldridge's St.Nelen Novels* (Xwe di çirokê St.Helen yên James Aldridge de), London, Australians Studies Centre (Navenda Lêkolînên Australî), 1987.
- My Brother Tom (Birayê Min Tom): *My Other Self* (Xweya Minî Din), di Orana (Sydney) dc, sibat 1989, bi destê Michael Stone.

Dema James Aldridge weke nûçevanê cengî ji Australya derket, ew hê gelekî ciwan bû, û vê rastiyê jî bi kûrayî şûna xwe di rengê nêzîkbûna wî de, ya ber bi pirsên ko li ser kardikir de, hişt. Wî têkoşîna Yûnaniyan dît û wî du pirtûk nivîsandin. Bingeha herdû pirtûkan yekser li ser ezmûnen wî ji wê têkoşînê dirûniştin. Li vir metodên wî bi giranî di bin bandora Hemingway de bûn, lê ew pirtûk bi tazebûna xweyî jîr ve û bi dilsoziya pêşkêşkirinê ve, ew dûrî hema zalîkirinê(imitation) bûn. Ew hîn dibû çawa çirokêni bi bûyeran dixîmijîn ava bike, hîmê çirokan didanî ser pêşveçûnên dîrokî, yê ko wî bi xwe berî her tiştî baş nasdikirin, û di heman wext de wî çirok bi kêşeyên kesane ve û bi têkoşîna lehengên xwe ve girê dida. Di pirtûka di pey re de, ya ji komeke çirokan bû, bandora Hemingway şikest. Tiştê ko ew ji xwendina xwe hîn bûbû êdî bi metodên wî re û bi dîtinên wî re hatibû stirihandin. Çirokan dane xwiyakirin bê çawa ew dikare hevsarê bûyerên aloz û pirtexlit bi hostayî bi dest xwe bigire û bi awayekî ewle dûrditînên ji rengê xisletên neteweyî di formeke hevgirtî de, bide nasandin. Wî ji kehniya pisporiya xwe ya ji dema şer ve, çaxê ko ew nûçevanê cengî bû, kişand û wî Diplomat (The diplomat) nivîsand. Diplomat karekî azwer e, ji radeya bilind e, ew Yekîtiya Sovyêtê û herêma Kurdan li bakurê

Mezopotamyayê dide ber xwe. Ew bi hostayıyeke mezin dikeve nav cîhana diplomasiya têkel û li hev herbiî, ya dinyaya piştî cengê de. Ew mijarên ko bingehêن wan di pirsâ Kurdanî neteweyî, ya çetin de ne, heyber dike. Aldridge weke çiroknivîsekî siyasiyiî giring derdikeve meydanê. Wî xwe hişkere kir, ko ew dikare li ser mijarên siyasî, yên aloz kar bike, bêyi ko hingavtina pirsên mirovî, yên hîmî winda bike. Girédana têkoşîna bi kul ya lehengêن, ko dixwestin cîhana, ko xwe tê de weke leystikyan dîtibûn, nasbikin; hiştibû ko kûrditînên siyasi di Diplomat de ji tengkirina arzan dûr bibin. Bi vê yetê tiştê ko bihayê hun rî da vî karî, li derveyî hemû encamên taybetî, bi gera li rastiyê ve girêdayî bû, ew danasîna wê gerê bi xwe bû.

Di Nêçîrvan (The hunter) de, Aldridge bi devjêberdana mijarên mezin xwe dîse nû dike, û di karekî ko yekser bi ezmûnan ve girêdayî ye, diçe Kanadayê. Mijara wî vê carê cîhana Nêçîrvân bû, pêwendîyeke rûbirû bi xweristê re bû, û di vî karê wêjeyî de wî şanî me da, ko ew dikare jiyana fizîkî ya xurû bêne ber çavan û bi gewd bike.

Lêbelê dibe balkêş be, ko dema wî berê xwe ji cîhana xweristê guhert, wî ne li jiyana rojane ya di civakeke taybetî de meyzand. Her çilo be, cengê ew stiriha û ew kire romannivîsê kêşeyên neteweyî, yên mezin, yên heyama me. Helbet babetên wî ji rojnamevaniya wî zan, lê di guhartîna ko babet dibe xeyal de, ew ji rojnamevaniya sînordar bihûrtibû û wî karîbû derbas bibe nav kûraniya pirsên mirovaniyê. Ew li kêşeyan bi gotinên mirovê, ko bi rastî hene dinere û ew ji binî bê guneh e, eger wî totikin bi xeyalê xwe çêkiribin, da nûneriya hilwestên neteweyî û sisyasî bikin.

Ew careke din berê xwe dide Rojhilata Nêzik, di Heroes of the empty View (Lehengê Dîtina Vala) de, di I Wish He Would Not Die (Xwezi Ew Nemiribana) de, û di The Last Exile (Sergona Dawî) de, ew danûstandinê ne bi pirseke wilo dûr re weke pirsâ Kurdan dike, lê ew bi problema cîhana erebî re dike, ji çavkehniya taybetî ji Misirê diwêrîve. Geklek têkeliyên rûbirû û çavkehniyên agahdariyan alîkariya wî kiribûn, lê tevlî simpatiya wî bi Ereban re, wî ne pirs yekalî dikirin, ne ji karê xwe dikire çerxa dîtinên taybetî de. Çirokan tişt zelal dikirin û têgehiştina mirov li ser ademîzadê ko ketiye nav xirûcirêñ mezin de bêhtir dikirin. Di karêñ wî yên dawî de, ew dîse pirsên li ser Sovyêtistanê bilind dike, lêbelê ne bi wê hêz û serketina hunerî ya di Diplomat de, yan ji ya di pirtûkên li der Rojhilata Nêzik de. Ewê zor be ko mirov bikaribe tiliha xwe bi romannivîsekî hevdem ve bike, yê ko bêhtir rûbirû bi kêşeyen siyasî yên paş cengê ve di qada navneteweyî de bi serfirazî mjûlbûbin, simpatiyeke germ ji bo kesêñ wî li ser wan nîvîsiye, daye hev, bi, di berxwedana dawî de, xatirxwestineke bi rastî hunermendî bû.

Irfan di mem û zîn_a

EHMEDÊ XANÎ DÊ



Perwîz Cihanî

Umêd ew e ji chlê ‘irfan
ew dê nekirin li me çu ‘herfan
Teşni’ nekin wekî ‘xeyûran
İslah bikin me quşûran

Nasandina Ehmedê Xanî û şahkara wî
Mem û Zîn ne karê rojek û du rojan e û
bi gotaran kes neşê Mem û Zîna Xanî,
bir û hizra bilinde Xanî di gel tewawî
taybetmendiyêne wê şirove bike. Ji vî
karî re nivîsîna çend pirtûkan pêdivî ye,
lê:

”Çi bikim ko qevî kesad e bazar
Nîn in ji qumaş ra xerîdar”

* Ev gotara ko nuha ez pêşkêsi we
dikim dilopek ji deryayê ye. Gotar li du
pişkan serrast bûye. Pişka yekê
nasandina Ehmedê Xanî û şûnewarên
wî ye. Pişka duyê nêhîfînek li sün û
şopêñ felsefe û irafanê li Mem û Zîn a
Xanî de ye. Hêvidar im li ser gotina
gorbihîst Cigerxwîn:

”Dixwazim biborî di kêmasiyan
li çolê gihame ne Walansiyân.”

* Hêja ye ko em Ehmedê Xanî tava
ronake toreya kurdî bi navê rêveberê
gelê kurdî bi navê rêveberê gelê kurd bi
nav bikin. Çima? Lewra ko Xanî Baba

weke rêvebirekî dilsoj û agah li xema
gel û welatê xwe daye. Ew wekî
rêvebirekî zana, mamosteyekî dilşewitî
dixwaze gişt zanistên gûna (dewrana)
xwe li rêka pirtûkên xwe de ferî gelê
Kurd bike... Eger em hûr û kûr dîna
xwe bidin şûnewarên wî, dê, ji me re
rojîn û eşkere bibe ko mebesta wî li
wan şûnewaran tenê vehûnana
helbestek evîndariyê, yan çirokek sade
nîne. Ew dixwaze li rêka helbest û
çirokê, gelê xwe hişyar bike û zanistên
cur bi cur raberî xwendevanên pirtûkên
xwe bike. Pirtûka wî ya eqîda İmanê rê
û şûna ayînî û xîm û binêşeyen
baweriya İslâmî raberî xwendevanan
dike. Yekemîn ferhenga zimanê kurdî
yanê ferhenga Nûbihar tenê ferhengek
sade nîne. Xanî digel wê hindê ko
xwestiye xwendekarê kurd digel
peyvîn cur bi cure kurdi û erebî nasiyar
bike, ewana digel zanista erûz û qafîye
û kêşa helbestan û behrûn erûzî ji
xwendekaran re şirove dike, ko eva
karekî bêheval e.

* Gava ko em Mem û Zîna Xanî Baba
dixwînin em dibînin Mem û Zîn ko
pişî şûnewarên Feqiyê Teyran yekemîn
çiroka helbestî ye di nav toreya klasika
kurdî de, tenê çirok û serhatiyek sade
ye evîndariyê nîne, belkû deryayeke li
zanistên cur bi cur yên weke: felsefe,
irfan, xwedînasî û ayîndarî, komelnasî,
stîrnasî, sazbendi, ciwankariyêne toreyî,

çîroknivîsî, deb û rismên cur bi cure kurdî, deb û rismên weke: Cejna sersalê, nêçir û nêçîrgeh bawerî bi falvegirtinê, çawaniya keça kurd di komela kurdewarî de, rê û rismên jin ïnan û zava û birazava û bûkguhastinê, şîn û şîngêri, biratî û mercen biratiyê, dîwanxana kurdî û çawaniya mîratiya kurdî û bê desthilatdarî û sadetiya mîrîn kurd ko bi xeber û gotina xebergerinekî wek Bekirok çavê wane besîretê kore dibe û li kar û barên xwe de kûrbîn û dûrbîn nebûne û nînin. Ú çendin zanist û hunerên dî di vê pirtûkê de bi curekî rêk û pêk wek mîrvaryîn pêvekiri rêz bûne.

* Li bara ziman û ciwankariyên toreyî de heta roja iro çi kes li hozanên kurd negehiştine toza reşbozê Xanî. Xanî çi peyvekê di helbestên xwe de bêçîne nade xebatê. Ji bo nimûne eger em hema yekimîn beyta pirtûka Mem û Zînê bidin ber hûrbîniya ciwankariyê, emê bibînin ko Xanî çawa bi hostanî ciwankariyên toreyê di vê beytê de xebintadiye, Xanî dibêje:

”Senameyê name namê Ellah
Bê namê te natemam Wellah”



Li bara ciwankariyên toreyî yanê *senetên bedî'* de, peyvîn sename û name pêkve *cinasâ zayîda mutteref* serrast dike, name digel nam *zayîda muzeyyele*, di nîveka her çar naman di herdu misraan de seneta *tekrîre* serrast bûye. Ellah û Wellah ji dîsan pêkve cinasê serrast dikin. Her wcha ev beyta Tehlîl yan lêkdaneveya hedisek nebewî ye ji, yan di van beytên xwarê de ko imaj û teswîrên xeyaliye zor ciwan ïnaye û awa behsa hilatina tavê dike:

”Damanê ‘erdî pakê gerdûn
Damad ku kir bi mîhrê gulgûn
Tarîf bi rohniyê ku rakir
Xem şubhetî zulmetê fena kir”

Yan di van beytên xwarê de ko dîsa behsê hilatina tavê dike. Bibînin ko imajîn çende ciwan asirandîye:

”Sersub’he ku şehsewarê efleq
eşheb ku kişande cayê ebleq
Edhem di tewileyê nehin kir
Eşheb ji xwe ra ji nû ve zîn kir
Gurzê xwe yî atêşin deranî
tî’xê xwe yî zerfeşan ku danî
Dunya ji mehabeta xwe zer kir
Tî’x û kemera çiyan bi ‘ker kir”

Negotî nemîne ji bili teswîrsazî û imajê, ji vê senetê re Beraetê istihhal jî dibêjin, ko curek fesazyî bo wê hindê ko xwendevan pêşta seha serhat û qewmînê bikin. Lî ta cîhê ko ez dizanim ta roja iro kesî ev layê hunerî di Mem û Zîna Xanî de nedaye berçavan û kesek ji li ser vê hindê nexebitiye, da ko roşin be ko Xanî di vî hunerî de çi kiriye û rastî hema ‘Elema kelamê mewzûn, gihandiye banê gerdûn û li ber perê asîmanan ji derbas kiriye.

* Gelek nivîskar û tuwêjkarê me gotine û dibêjin ko Ehmedê Xanî gelek peyv û goteyîn erebî û farisî di Mem û Zînê de xebitandiye ko ji Kurdan re nenasîyar in!... Rast e!! Lî du egerên binêseyîye vê yekê hene. Yek ew e ko di gûna Xanî de xebitandina peyvîn giran di

nivîsin û axiftinê de huner dihate jîmartin. Kesê ko gelek ew cure peyvane bida xebatê, serketî dihate zanîn. Lê egera duyê ko egera binêseyî û zor girşing e, eve ye ko, Xanî Baba li Mem û Zînê de ji Kurdan re felsefê û irfan nivîsiye. Zimanê felsefê û irfanê ji zimanekî taybet e. Têm û îdyom û istilahatên wa di irfan û felsefê de hene ko ne tenê di zimanê kurdî de, ew zaravayane peyda nabin û tunene, belkû di tewawî zimanê rojhilata navîn de ji bil erekî li ci zimanê diyê navçê de tunene. Peyv û gotinêne weke: Îmkan, wacibulwucûd, wucûb, mewalid, enasir, masewa, xelq, emr, nasît, lahût, eşbah, şehadet, xeyb, zahir, batîn, cewher, erez, hiyûlî (heyûla), hadis, qedim, ebed, ezel û çendîn peyv û îdyomên dî. İca Xanî Baba neçar bûye ko ji van peyvana wêc û kelkê werbigre.

Vêca em bêñ li ser felsefê û irfanê di Mem û Zîna Xanî Baba de:

Em bi xwendina Mem û Zînê pê dihesin ko Xanî zanista felsefê baş zaniye û di vê zanistê de melevanekî bêheval û somekarekî bêbevl e. Lê Xanî filosof nîne, Xanê arif e. Ya baş ew e pêş wê hindê de ko em dakevin kûraniya gotarê, em bizanî kanê irfan û felsefê ci ye û arif û filosof kijan e? arif û filosof herdük jî li dû peydakirina heqîqet û rastiyê de ne, herdük li heqîqetê digerin. Lê cudayıya wan li çawaniya belgevehênan û şîweyta peydakirina rastiyê de ye. Filosof dixwaze bi rêka hiş û jîrbûna xwe û belgevehinana mentiqî rastiyê peyda bike, lê arif dixwaze li rêka evîn û evîndariyê rastiyê peydabike û bîghîje heqîqetê.

Amraza nasîn û peydakirin heqîqetê di felsefê de hiş û belgevehênan e: Lê di irfanê de evîn e. arif evîndarê tecelaya nûra Xwedê ye û dixwaze di vê rêkê de bîghîje Xwedê, lê filosof kemala

mirovaniyê di wê hindê de dibîne ko hemû tiştî li rêka aqil û zanistê dest xwe ve bîne, lê arif hêvidar e ko pê fenaya xwe di heq de bekaya ebedî, yanî manewa herehereyi dest xwe ve bîne û weke dilopekî bîghîje deryayê û di gel deryayê bibe yek. Em evê hindê di serbihuriya Mem û Zînê de dibînin. Evîn û evîndarî di rîbaza irfanê de binêse ye. Evîn sermaya herehereyi û kaniya ava heyatê ye ji arif re. Maşûqa arifan Xweda ye, aşiq gerek e di vê rêkê de dest ji dînyayê û tewanî tiştîn wê ye nefsanî ve cismanî bikişîne, ta bigîfjin Xwedê. Dilê arif cihê tîrîşkdanewe û çîlvîslîna nûr û ronahiya Xwedê ye, ewe ye ko pişka zor e arifan çîrok û serhatiyen irfanî û evîndariyê yan helbesten evîndariyê nivîsine. Ehmedê Xanî jî yek ji wan arifan e ko hem bi xwe evîndar bûye hem jî ji çiroka evîndariyê bi şîweyek irfanî asirandiye. Xanî li bara evîna xwe de dibêje:

”Saqî mi bigir ko ez bidest im
Mexmûr im û meynexwari mest im
Gava ko vexwar Memê û Zînê

Axift li min cihê birîne
Em ‘aşiq eger ci meyperest in
Emma ji meya Elestê mest in
Ew mey ne wekî meya te al e
Ew mey jî cemala Zulcelal e
Ew hubba ‘hebîba pakzat e
Qinwanê ‘hediqeyê sıfat e
Saqî bide min ji boy Xwedê ra
Camek jî meya te duh digêra”

Di van beytana de Xanî bi eşkereti ko evîndar e, lê evîndarê cemal û ciwaniya Xwedê ye, hebîba wî ya pakzat Xwedê ye. Gorekî bîr û hizra arifan saqîya cama elestê Xwedê bi xwe ye. arif evê ayeta Quranê ko dibeje:

” We seqahum rebuhum şeraben
tehûren” awa şirovedikin û dibêjin: Xwedê mirov jî meya giyan têrav kir û ji nebûnê anî hebûnê. Xanî jî durust evê hindê digerewe û dibêje:

Saqî ji boy Xwedê camek ji meya te duh yanê roja elestê digêra bide min ji.
"Her cur'eyekê ezê bikim 'tam
yek neşie bese'heta serencam"

Me got ko pişka zor a arifan serhatiyên evîndarane yan helbestên evîndariyê nîvîsiye, Xanî jî Mem û Zîn nîvîsiye. Lê tişa ko ji hemûyê balrakêstir e, evc ye ko li nav serhatiyên evîndaraçe û irfanî de yên weke: Leyl û Mecnûn, Xusrev û Şirîn, Wamiq û Ezra, Seleman û Ebsal, Weys û Ramîn, Samson û Delfile, Şêxê Senan, Yûsuf û Zuleyxa, Huma û Humayûn, Xurşid û Xawer di nav wan hemûyan de Mem û Zîn xudane serratiyek (îmtiyaz) taybet e. Tewawî van çîrok û serhatiyên jorîn, tenê di destpêka çîrokê de bahsê pirsa irfan û felsefe dikan, lê gava ko daketin géraneveya çîrokê, tenê hunera wan çîrokbêjî yê, êdî irfan û felsfe ji bîra wan diçe, lê Xanî li dema géraneveya çîrokê de jî irfanê ji bîr nake, di seranserê çîroka Mem û Zîn de Xanî wate û zaravayên irfanî dixebeitine û reng û rûyê irfanî dide tewawî pişkê wê û pirsa irfanê li xir pişkan de li ber çavê wî ye, û çîrokê bi curekî irfanî kuta dike.

Ev yek e di gel berçavgirtina nenasîyariya zimanê kurdî di gel felsefe û irfanê û nebûna piştivaneyek mêtûyi jî toreya kurdî re rastî karekî yekcar dijwar e. He rastî Xanî şahkarek mezîn afîrandîye ko şitaqek (hiç yek) li wan çîrokên evîndarî û erfanî nikarin di gel vê şahkarê beranberiyê bikin. Xanî di serataya Mem û Zîn de awa arifane di eşqa Xwedê de dibêje û dibilîne:

"Ey mettle'ê 'husnê 'esqbâzî
Me'hbûbê 'heqîqi û mecazi
Me'sûq tu yi bi fexr û naz i
'Aşıq tu yi lêykî bê niyaz i'

Di van helbestana de Xanî dibêje ko Xwedê sereta û cihê helatin û higavtina ciwaniya evîndariyê ye, Xwedê mehbûba heqîqi û mecazi, yara zemînî

û asimanî ye, Xwedê hem aşiq e hem maşûq, lê Xwedê aşiqeqî bêhewce û niyaz e. Ev beyta Mem û Zîn îşare bi vê ayeta Qurana pîroz e ko dibêje:

"Fesewfe ycittiyllahê biqewmên yuhibuhum wc yuhubûne" (ayeta 54 li sûreya 5 dike). Wate bi van zûyana Xwedêyê hoz yan desteyekî bîne ko hez ji wan bike û ewan jî hez ji wî bikin. Arifan di şirovekirina vê ayetê de gotine: Her wisan ko beniyên Xwedê evîndarê Xwedê ne, Xwedê jî hez ji wan dike û evîndarê wan e. Lê hindekan di hember vê qiseyê de gotine ko evîndariya Xwedê ji beniyên xwe re curek hewcedarfî ye, lê arif dibêjin peyva "hum" di vê ayetê de bi hesabê ebcedê dibe (45) ko beranber e di gel jimara ebcediya Adem. Û her ew emaneta ko dibêjin Xwedê roja elestê daye mirovan, her evîna bûyê.

Xanî jî he ji ber vê hindê ye ko dibêje. Xwedêyo!" Aşıq tu yi lêykî bêniyaz i" Xanî di vê mesreê de evîndariya Xwedê û nehevewcedariya wî binecî dike û paşê dibeje:

"Mutleq tu mufid û mustefad î
Bêşubhe murîd û hem murad î
Nûr i tu di 'husnê rûyê dildar
Nar i tu di qelbê 'aşıqê jar
Şem' i ne ji qismê nûr û nar i
Şems i ne 'eyan tu perdedar î
Genc i tu di nêv tilismê 'alem
Kenz i tu 'eyan ji ismê Adem
Ev 'alem û ademê di meşhûd
Ev mumkin û masewayê mewcûd
Hemîyan bi te ye medare û debr
Feyyazê riyazê xelq wel emr"

Xanî di van beytana de bi ronahî dibêje ko Xwedê hem wêc û qazancê werdigre, hem qazancê distîne, hem mûrid e, hem murad e, hem nûr û ronahiya ciwaniya rûyê dildarê ye û hem jî agirê evîndariyê ye di dilê aşiqê belengaz de. Xwedê yelmûma evînê ye, lê ne yelmûneke ko ji qism û new'ê agir û ronahiya cismani be, Xwedê

tavek e, lê di pişt perdê de ye, Xwedê xezîneyek veşartî ye ko bi navê adem ev xezîneya veşartî derkete eşkeretiye. Lîre de Xanî işare bi vê hedîsê dike:

"Kuntû kenzen mexfiyyen fe ehbebtû bi en u'refe fe xelegqtûlxeqe likey u'refe"
Xwedê fermayış kiriye: Ez xezîneyek veşartî bûm, min dixwest bême naskirin, lewra min cîhana cismana û mirov asirand.

Xanî di van beytan de mesela wehdet di kisret û kisret di wehdetê de heldixe. Goreki bîr û hizra arisan, Xwedê di hemû tiştê de heye û hemû tişt mezreh û nimûd û sîmbolek li hebûna Xwedê ye. Xanî li dû re dibêje:

"Ela lehuxelqû welemr tebarekellahû rebil'alemîne"



Xanî li du gotinên xwe ra digre û dibêje:

*"Emrê te bi lefzê kun du 'alem
Mewcûd kîrin 'xerez çi? Adem
Adem bi xwe yek ji herdûwan e
Yek 'herf ji emrê kun fekane
Ev 'herf 'heqîgetên mu'heqeq
Hem emr e bi qudra ta te hem xelq
Eşba'h muressem in ji nasût"*

*Erwa'h muwesem in bi lahût
Ev rûh û cesed bi cebr û ikrah
Tezwîc bûyîn bi emrê Ellâh
Nasûti eger ci reng sefal e
Lahûti ji pertewa cemal e
Xanî ji weke tewawî arisan li ser wê bir
û bawerê ye ko Xwedê gişî hebûnê seb
xatirê Adem çêkiriye. Xwedê cîjhan bi
gotina yek peyva bibe (kun) asirand ko
Adem pîtek li wê peyvê ye. Mirov hem
cîjhanâ cismanî ye û hem ji cîjhanâ
rûhanî ye lewra, ruh yan giyan asimanî
û laş ji zevînî ye. Xanî li beytên:*

*"Eşba'h muressem in ji nasût
Erwa'h muwesem in bi lahût
Nasûti eger ci reng sefal e
Lahûti ji pertewa cemal e"
İşare bi musula Eflatûn (Plato 428-347
BZ), dike û dibêje:*

Mirovên vê dunyayê ji weke êxsîrên
şikefta ko Eflatûn nimûne hêname,
nikarin rastiya cîjhanê bibînin, meger
ko ewê zincirê li piyê xwe vekin û ji
şikefta vê cîjhanê rizgar û aza bin. Xanî
dibêje: Laş û tapo yanê şebhê me
(reşayıya me) di cîjhanâ zevînî û
cismanî de neqişîye û rûh û giyanê me
ji di cîjhanâ rûhanâ rûhanî û asimanî de
hatiye zincir kîrin. Cîjhanâ nasûti jîrîn
e û cîjhanâ lahûti ji ronahî û pertewa
cemala Xwedê ye. Xanî li dû gotinên
xwe ra digre û di bara mezinayî û
pileya here jore mirov de weha dibêje:

*"Hersa ko me gotû neqşê hûr e
Lê meqsed û me'niya wê kûr e
Zahir te eger numaye su'xra
Batin ewe neqşê xame kubra
Mewcûd e di wê şehadet û 'seyb
Meşhûd e di wê seyadet û 'eyb
Însan bi xwe hem zelam e hem nûr
Adem ji te hem qerîb e hem dûr"
Xanî di pey gotinên xwe yên pêş de
digre û dibêje:*

Ew pîta ko me gotû neqşek hûrik û
biçûk e, lê amanc û mebest û wateya
wê mezin û kûr e. Mebest li wê herf

yan pîtê Adem e ko Xanî dibêje "Yek herf ji emrê künfekane..."

Wate Xwedêyo eger te mirov rû ve biçûk nîşan daye, lê di binêşê de ew mezin e, lewra ko neqşê qelema kibriyayî ye. Mewlewî arîfê mezine iranî dibêje:

"Pes bi sûret 'alemê es'xer tu yi"

Pes bi me'nî 'alemê ekber tu yi"

Eger rû ve tu cîjhanek biçûk ï lê wate û me'niyê de tu cîjhanek mezin ï. Xanî jî dibêje:

"Zahir te eger numaye su'xra

Batin ewe neqşê xame kubra"

Lewra ko mirov ji du tiştên dijî hev hatîye afirandin: Ronahî û tarîti, giyan û laş, cîhana diyar û nedîyar. Hem nêzîki Xweda ye hem jî dûrî Xweda. Dûrî Xweda ye cismanî û zevînî ye, nêzîkê Xweda ye rûhanî



Zivad

û asimanî ye. Mirov her çend rû ve biçûk e, lê di batin de lewra ko neqşâ qelema kibriyayîye mezin e.

Di wan helbestên han de em di gel hemberanî kirin û hevtasaziyek dulayenî rûberû ne. Em mesela

dulayeniyê (Senewiyet-doganegî) di şûnewarêن Işraqiyan û mezhebê Zerdoşti de dibînin. Zerdoşt bawerî bi Xwedayê qencî û neqencyê yanê xêr û şerê heye, ew cudayıya wan herdulan wisa bilind dike ko wana dijî hev nîşan dide. Lê Işraqiyan ko regeyek li mezhebê Zerdoşti di bir û bawerên wa de xwiya dike evê dulayeniyê këmtir û mulayîmtir dîkin. Em evê dulayeniya Işraqiyan di pişka zore helbestên Xanî de dibînin, lê Xanî Işraqî nîne, ew li jêr kartêkirina Işraqiyan daye. Xanî arîf e, arîf her çiya ko dibîne tirişkdanewe û ispênekirana nûra xwedika (neynika) Xwedê dizanîn. Yanê giştî bûnewaran xwedikekê dizanîn ko nûr û ronahiya cemal û ciwaniya Xwedê di wan de ispêne dike û tirişk vedide.

Her wusan arîf dibêjin cîjhan weke neynikekê ye ko aliyekekî wê reş û tarî aliye dî ronahî û çilvilok û paqîj e. Layê tarî û reş cîsm û laş e, layê ronahî û paqîj jî rûh û dil e. Dibêjin Xwedê xwest ko cemal û ciwaniya xwe bibîne û dîna xwe bide husn û cemala xwe, îca bo vê hindê cîjhan û bûnewar wekî neynikekî afirand ta ser gotina hedîsa qudsî di wê neynikê de xuya bike û dîna xwe bide husn û cemala xwe. Vêca Xwedê perde li ber cemala xwe hilgirt û Adem kire neynika cemala xwe. Gava cemala xwe di wê neynikê de dît, bû evîndarê xwe. Xanî jî li ser vê bir û bawerê dibêje:

"Ayfine te çekirin mukerrer

'Husna xwe di wan te kir muscîwwer

'Husna te ye zîneta 'hefsban

Reşka te ye 'xîreta reqîban

Meyla te ye 'aşiqan dikêşit

Derdê te ye dil ji ber diêşit"

Yan di pesnê ciwaniya Sitiyê de dibêje:

"Ew sen'etê ûsitadê mutleq

Her çî ku didî digo huwel'heq"

Xanî li beyta (26)ê re digel pesn û spasa Xwedê basê tewawî heyiya cîhanê û felsefa afirandina wan tiştana

dike ko hebûna her yekê ji wan têra bunecikirina hebûna Xwedê dike û dibêje:

” Ev renge felek hemî mu’ezzem
 Ev çendemelek hemî mukerrem
 Ev karigeha ‘ezîm û devvar
 Ev barigeha bedî’ û seyyar
 Ev çende zemîn digel ‘enâsir
 Ev renge ’erez digel cewahir
 ‘Heywan û me’adin û nebatat
 Metlûb û meqasid û muradat
 Ey baqiyê bêzewal û daim
 Wey hadiyê bê fenayê qaim
 Mulk û melek û felek bi carck
 Bilcumla te çêkirin tebarek
 Ev neh sedefê di pîr mirarı
 Durnê di sipî şebê di tarî
 Heftê di misalê durrê ‘xeltan
 Her şes cihet û çihar-i- erkan
 Hersê weledê di pîr mewalîd
 ‘Xebra û sema di gel meqalîd
 Lew’h û qelem û sewabit û ‘erş
 ‘Heywan û nebat û me’den û fers
 Zahîr te kir ev qedîr senayî’
 Peyda kirin ev qedîr bedayî’
 Her yek ji ‘edem kirin te peyda
 Ibda’ kirin te bê heyûla”

Xanî di van helbestan de di gel wê hindê ko işare bi felsefa afirandina cîjhanê dike, radigehîne ko cîjhan hadise û qedîm nîne. Bawerî bi hindûsa cîjhanê yek ji baweriyêñ mezhebê Eşerî ye. Emê evê hindê paşê şirovebikin. Di helbestên han de Xanî dibêje: mulk û melek û felek, karigah û barigah, erd û enâsir, erez û cewahir heywan û me’den û şinawerd, neh tebekê asîmanan, yan neh felekê cîjhanê, şev û roj, her heft sitêrên gerok, her şes ali û erd û esman, lewh û qelem û erş û fers hemû Xwedê ji nebûnê aniye hebûnê. Pêşda ewana tune bûn, paşê bêyî madeya eweliye bêyî heyûlaya binêşeyî afirand.

* Lérede ronkirineweyek bo beytên 44ê ta 49ê pêdivî ye. Gorekî bir û hizra zaniyar û filosofen berê Xwedê pêşda

eqlê kul afirandiye, eqlê kul ji büye egera peydabûna nefsa kûlî. Li wan herdûyana neh tebekê asîmanan û heft stêrên gerok û stêrên rawestayî serrast bûne. Gera stêr û erd û asîmanan ji bûne egera peydabûna tebietên çarane yanê: Serma, germa, hişkatî û teratî û herçar unsuran yanê: Av, agir, ax û ba. Neh tebekê asîmanan û çar unsur ji dibin egera peydabûna meeden û heywan û şinawerdan, ko mewalîdê selase yan zarokên sêyîne dibêjinê. Ewana heft tebekê asîmanan re bavê heftîne yan heft bavêñ asîmanî û ji av û agir û ba û axê re ji çar dayîk yan dayîkên çarîne digotin. Xanî ji durust işare bi wê hindê dike û dibêje:

” Filcumle ci ewwel û ci axir
 Elqisse ci muimin û çu kafir
 Bê ‘husnê te nîne wan wicûdek
 Bê nûrê te nîne wan nimûdek
 ‘Hikmet ewe batinê û zahir
 Qudret ewe ‘xayibiyû ‘hazir
 Nînin te te’heyyuz û temekkun
 Emma we di wan dikî tewettun
 Goya hemî cismek in tu can f
 Goya hemî şehrek in tu xan f”

Dîsan Xanî dibêje: Xwedê tewawî cîjhanê bêyî madeya eweliye yanê heyûlayê ji nebûnê aniye hebûnê. Dibêje: Tewawî heyiya cîjhanê mezherek ji hebûna Xwedê ye. Her yek nimûd û simbolek ji Xwedê ye, Xwedê di tek tekî wan de veşartîye, bêyî ciwanî û husna Xwedê bêyî nûra Xwedê ew tiştane yek ji hebûna wan diyar nake. Her weha Xanî dibêje: Her çend Xweda di ci tişî de ci nagre û teheyyuz û temekkuna wî çineye, lê di tek tekî wan de heye. Tu dibêji qey tewawî bûnewerên heyî laşek in û Xwedê giyanê hemûyan e. Di van beytan de evê hizra arifane hildixe ko Xwedê nûr û ronahiya cîhanê û canê cîhanê û canê cîhanê ye. Hemû bûnewer bi ronahî û nûra ciwaniya wî têne xûyan û hebûnê peydadikin. Dîsan

Xanî lêrede pirsa wehdet di kisret û kisret di wehdetê de ko binêşa bîr û bawera arifane hildixe.

* Li beytên 56ê ta 88ê bîr û baweriya mezhebiya Xanî ji me re ronahî dibe. Emê vira de işare bi çend beytan bikin.

"Her çî divê bibî zelalê
Pabend dikî bi zulf û xalê
Her çî ku tu bînî ser hidayet
Vêrra bigirî bikî 'inayet
'Hazir wî dibî meqamê me'lûm
Ger xadime wî digêtrî meddûm
Bê sicde te ey cenabê me'bûd
Adem kire qiblegah û mescûd
Iblîsê feqîrê bê cinayet
Hindi te hebû digel 'inayet
Her roj dikir hezar ta'et
Lewra ku te da wî istitta'et
Wî sicde nekir li 'xeyrî me'bûd
Gêrra te ji ber derê xwe merdûd
Yek sicde nebîr li pêş e'xyar
Qehra te kire muxeledunnar"

Bi xwendina van beytana ji me re ron û eşkere dibe ko Xanî di mezhebê xwe de sunniyê şafiiyê eşerî bûye. Eşerî li himber mutezelê daye. Eşerî baweri bi cebrê hene û mutezele bawerî bi ixtiyarê. Cebrî dibêjin, herçiya ko li cîjhanê de diqewime û dê biqewime bi xwast û ferman û viyana Xwedê ye. Bêyî viyana Xewdê pelg ji darê naweşê. Eva ye ko Xanî dibêje, Xwedêyo, te hezretê Adem bêyî taet û ibadet û sicde kire qiblegaha cîjhanê, lê Iblîsê feqîr ko şev û roj ji te re hezaran taet û ibadet dikir te ew her ji ber vê hindê ko amade nebû serê xwe ji bili te ji keseki dî re xwarbike, ji ber dergahê xwe raqetand û kire cehennemiyê herehereyi. Xanî di kutayıya Mem û Zînê de dema ko digel qelema xwe qise dike disan cebrîbûna xwe radigehine. Ev bîr û bawera bi ronahî li beytên 2600ê ta 2653 re diyar dike.

Li beytê 94ê ta 189ê ko li pesna hezretê Muhammed û çawaniya asirandina

cîjhanê û maracê daye, Xanê işare bi burhana imkan û wicûbê dike û dibêje:

"Eşa bi 'heseb delfî û burhan
Nabin çu meger wicûb û imkan
Wacib yek e zatê kibriya ye
Mumkin pirre cem'ê masewa ye"

Ev beytana li ser çawaniya asirandinê û egera asirandina cîjhanê ko Xwedê giştî cîhanê bo xatrê hezretê Muhammed asirand dom dike ta dighiye beyta 188ê.

* Li beyta 189ê re Xanî digel berçavgirtina hedisa "Men erefe nefsihi feqed erefe rebibi" û digel berçavgirtina vê hindê ko çi marîfet û nasîneweyek paşî nasîneweya Xwedê mezintir û baştîr û çêtir li xwenasîn û nasîneweya mirovan nîne, dest bi nasîneweya gelê xwe dike ko bi xwe jî endameke li wê komelê. Em evê jî bêjin arif yanê kesê ko irfanê bizanibe. Wateyek irfanê jî agadarî û zaniyarî ye. Mezintirin û serratirin taybetmendiya her mirovekî zaniyar û guhorînkar û xebatkar agadarî ye. Mirovê agadar ew mirov e ko agadariyek giştî li ser hemû ho û egerên aqara jîna xwe, çawaniya hebûna xwe peyda bike û çi caran bi ruwalet û rûvayiya tiştan nexape û lêpa reng û rûyan nexwe. Lewra ji arisan re agadar dibêjin ko li ser gişt kar û barêni madî û manewiye jînê agadar in. Arifê me yanê Xanî jî xwedanê vê taybetmendiya bilinde mirovaniyê ye. Ew her çend ko li gûna zor û zulma sultanê Osmanî û şâhîn Sefewî de diji, lê pê gotin û nivîsına Mem û Zînê:

"Ser'ha xemê dil bikim fesane
Zînê û Memê bikim behane"

Piştî helêxistina evin û irfana ilahî û derbirîna cîjhanbîniya xwe û pesnê Xwedê û Pêxember hedisa: "Men erefe nefsihi feqed erefe rebibi" Ji xwe re dike binêşe û gelê xwe dide nasandin.

"Sabit ke ku da ne naxelef bî
Da waqîfê sîrta men 'eref bî'
Ew bi çavekî komelnase û rewannase perdî ji ser çawaniya Kurdan davêje û

li sedeya 17ê de ko hê bîr û hizra netewayetiyê li nav çi gel û welatî de nehatibû hilxistin, hildixe û jarî û belengaziya Kurdan her wiusa egera wê belengaziyê destnişan dike û dibêje:

"Hindi ji şeca'etê 'xeyyûr in
Ew çend ji minnetê nifur in
Ev 'xeyret û ev 'uluwê himmet
Bû manî 'emlê barê minnet
Lew pêkve hemêşe bêtifaq in
Daim bi temerrud û şiqaq in
Ger dê hebûya me ittifaqek
Vêkra bikira me inqiyadek
Rom û 'Ereb û 'Ecem temamî
Hemîyan ji me ra dikir xulamî"

*Eflatûn dibêje:

Giyanê mirov di cîjhana berin de pêş wê hindê ko bikeve ser cîjhana cismanî û bikeve laşê mirovan de, ciwaniya mutleq û rastiya ciwaniyê bê perde dîtîye. Gava ko di vê dinyayê de ciwaniya rûveyî dibîne dikeve bîra wê ciwaniya mutleq û dibe evîndarê wê. Ruhê mirovan di vê dinyayê de weke baldariyeke ko ketibe rekeh wate qefesekê. Ew baldara dixwaze vê qefesê ko cismê wê ye bişkêne û xwe bigehîne ciwaniya mutleq... eşq û evîna mutleq pireke bo gehîştina evîna heqîqi û ciwaniya mutleq.

Arifê bi nav û bange İranê Mewlewî ji dibêje:

"Mur'xê ba'xê melekûtem niyem ez
'alemê xak
Çend rûzî qefesi saxitêend ez bedenem"

Xanî ji dibêje:

"Saqî bike cama asimanî
Ra'ha wekû rû'hê cawidanî
Da em bikirin dema'xê can ter
Yek le'hze bi ra'ha rû'hperwer
Teisîri nefes bibit ji bo min
Teşrîhi qefes bibit ji bo min
Mur'xê dilê murde bête perwaz
Bê perde bibit teraneperdaz
Bed'hal bibim seran bi derd im
Bê al ji batinê xeberdim
Teşbihî neyê bikim terenum

Totî sifet ez bikim tekellum
Da keşf bibin ji min keramat
Meşhûd bibin li min meqamat
Xelkê ji "yu'hubbêhum" digergün
Her çi ji ezel bûyi "yu'hubbûn"
Da bêñ û biken 'hikayetê gûş
Hindek bikirin xwe pê feramûş
Hindek bikirin bi can sema'ê
Hin pê bikirin ji dîl wuda'ê"

Xanî ji di van beytana de bi curekî rûvayı ewê hindê radigehîne û basa murxê dil dike û şan işare bi ayeta 54 li sûreya 5 ko mebesta wê ew e Xwedê evîndarê mirovan û mirov jî evîndarê Xwedê ye, *Yuhubbuhum we yuhubbûne* dike û dibêje: Meygêre! Cama asimanî pir li meya giyanperwer bike ko ez pê wê meyê mejiyê giyanê xwe ter û têrav bikim, da ko qefesa laşê min bişke û ez xwe li holê rakim û baldara dîlî ko dûrî hêlûna asimanî û dergahê rûhanî û İlâhî bûye, wek neyê binalinim û miqamê evîndariyê lêdim da ko ew Xaliq û mexlûq, ew aşiq û maşûqê roja berîn, *Yuhubbuhum we yuhubbûne* bêñ û evê serhatiya evîndarane û arifane, sebuhoriya Mem û Zînê guhdarî kin û xwe pê bihîstina wê gum kin û di Xwedayê xwe de winda bin û bigehîne qonaxa fenastellahiyê. Xanî bi van gotinên hanê çîrokê deshpêdeke û çîroka Mem û Zînê ji he li ser vê bîr û bawerê vedihûne û bi wê şeweya eflatûnî baldara rûhê wan digihîne ciwaniya mutleq.

LI SER QEHRMANÊN ÇIROKA IRFANI YA MEM Û ZINÊ

Qehremanen vê çîroka irfanî birtîne li:
Sîti û Zîn, Mem û Tajdîn, Bekirok û Mîr Zîneddin, Arif û Gurgîn, Çeko û Dayîn.

Sîti û Zîn, Mem û Tajdîn, Bekirok û Mîr Zîneddin qehremanen sekerî ne. Arif û Gurgîn, Çeko û Dayîn ji qehremanen layekî ne. Xanî tenê ji bo kutakirin û hevanîna çîrokê li qehremanen layekî wêcê verdigre.

Dimîne qehremanên serekî. Qehremanên serekî jî dibine sê desteya. Sîfî û Tajdîn evîndarêñ cismanî û zevînî ne. Mem û Zîn evîndarêñ rûhanî û asimanî ne. Bekirok û Mîr Zîneddin jî nûnerêñ xerabî û neqenciyê ne. Evîna zevînî û cismanî qonaxa tekûzkirina evîna asimanî ye. Eger aşiq û maşûq di evîna zevînî de piiyan û tê da kamil bûn û gîhîştin, di evînê de dişewitin. Eger li ser rûbarê dînyayê negîhîştin hev dîghîjin evîna rastî û evîna rûhanî û asimanî. Lê eger li evîna zevînî têper nebûn û he di meyla wusala cismanî de man, dişewitin. Em di çîroka irfaniya Mem û Zînê de dibînin ko Sîfî û Tajdîn he di cara yekê de ko hevdû dibînin, bo pêkgehiştina zevînî û cismanî hazir in hemû kari bikin, belam Mem û Zîn wa nîn. Bo nimûne gava ko Dayîn gustîlkê ji Sîfî û Zînê dixwaze Xanî weha dibêje:

"Hazır Sitiyê nigîn deranî
De destê 'ecûzeya zemanî
Lê:
Zînê wehe gote 'Heyzebûnê
Min dil bûye werteyek ji xûnê
Gava wekû werte tête coşê
Wextê ko diket biket xuroşê
Teskin diket ev nigîn dilê jar
Dem dem ko didem di çeşmê xûnbar
Zînhar eger dîbî nigînê
Zû bîneve bo mi dil'hezinê
Lewra bi wê ye mi sebr û saman
Ew bo min e xatema Sufeyman"
Yan gava ko Dayîn diçê gustîlkêñ Sîfî û Zînê ji Mem û Tajdîn bistîne, Tajdîn bo wê hindê ko navbenda wî û Sitiyê xweş be û zû bigehine hev zûka gustilê dide dayînê, lê Memê gustilê nade:
"Tacdîni nigîn ji dest deranî
Da destê 'ecûzeya zemanî
Mem tê fikirî ko bêy nigînî
Kengê diketin medar û jînê
Go: daye tu min bidêre me'zûr
Kê canî didet ji dest xew destûr
Ev xateme ism e ger tilism e

Min can ew e qalibê me cism e
Ev daye, tu qasidê 'hebîb î
Bê şubhe li derdê min tebîb î
Sedqa serê zicemali Zînê
Mestîne ji destê min nîgînê
Gava tu dicîve ey wefadâr
Ev renge ji min bibêje dildar
Ew şah e eger ci ez geda me
Eltafê şehenşchanê 'am e
Ez bende ne laiqê wusal im
Xursende bi sûretê xiyal im
Razî me ji ew qeder cemalê
Min bînite xelweta xeyale"

Em dibînin ko Mem şeyda û evîndarê cemala asimaniya Zînê ye û daxwaza wusala zevînî nakek û dibêje bila Zîn di xiyalê xwe de min bîne bîra xwe. Ev bîrhanîna xiyalî seratayek e bo evîna rûhanî û asimanî. Herwa dema ko Mem û Zîn di nav baxê Mîr de hevdu dibînin herçend ko tenê ne û wesayîle wusala zemînî ji wan re saz e, lê Xanî dibêje:
"Hubba du dilan ji 'heddê derbû
Ser 'heddê zerafetan kemer bû"
Zîn û Mem wusala zevînî û cismanî naxwazin, evîna wan evîna asimanî ye û ewana evîndarêñ dawêñ pak in.
* Me got ko Mîr û Bekirok jî di vê serhatiya irfanî de nûnerê ser û neqenciyê ne, lê egerê bineşeyiye negîhîştina vê dînyayêye Mem û Zînê Bekirok e. Xanî gorekî bîr û hizra arifane ko dibêjin tewawî heyiyê vê dînyayê nimûd û sîmbolek li Xwedane, ser û neqenciyê jî he mezherêk ji mezherên Xwedê dizanê. Lewra ew Bekirok jî ko bûye egera tekûzbûna evîna rûhaniya Mem û Zînê, û nehêlaye ewana bigihîjin wusala zevînî, wusala ko afet û aşîta evîna rûhanî ye. Di kutayıyê de li şaya serê evîna rasteqneya Mem û Zînê digihîne pileyek rûhaniyê û dike dergevanê bihiştê.
Lê mîr ko binêşê de dixwest Mem û Zîn bigihîjin hev û di dilê xwe de razî bi peywenda wan bû, her wusan di nîviya

rê de poşman bû û destûra Zînê da ko here Memê ji xwe re azad bike, nagîje wê pilê û meqama rûhanî ko Bekirok gîhiştiyê. Xanî li bara evîna zevînî û asimanî de dibêje:

"Ger şêx in û ger mela û mîr in derwêş û 'xenî weger feqîr in
Kes nîne ne talibê cemalê
Kes nîne ne ra'xibê wusalê
Hin ra'xibê 'husna layezal in
Hin talibê qalibê betal in
Lakin hemiyan yeke yeqîn dost
Ferqa ku heye ji me'xz ta post
'Husna ku nebit çu 'hedd û 'xayet
Nabit ji bo 'aşiqan nihayet
Lê 'aşiq û bulhewes cuda ne
Hin faidexaz û hin fida ne
Canan teleb in hinek ji bo can
Hin can teleb in ji boy canan
Hin wesl'heb in ji rengê Tajdîn
Hin derdguz in wekî Mem û Zîn"

Evaye cudayıya evîna Mem û Zînê digel evîna Sîtî û Tajdîn. Sîtî û Tajdîn canan (Maşûqê) ji canê xwe re dixwazin. Lê Mem û Zîn canê xwe ji canan re dixwazin.

* Lê tiştâ here giring di serhatiya evîndaraneya Mem û Zînê de mirina mecaziya wana ye. Mem û Zîn herdu carekî dimirin û rûhê wan dîghîjin hev û xelk pêkgîhiştina ruhê wan dîsan zindî dibin. Dema ko Mir ji karyarê xwe peşîman dibe û dibêje: Zînê here Mem ji xwe re azad bike, Xanî ji zarê Mîr weha dibêje:

"Dîsan tu herre digel xeberde
Qeydan tu veke ji bo xwe berde
Ey 'xunçeyê naşikufte sorgul
Bîşkîn qefesê derîne bulbul"

Zînê bi bîhîstina vê mîzgîniyê li ber xweşîya şanemergî dibe û nehiş dikeve û weke miriyan dikeve erdê.

"Zîna ku dused birîn li cergê
Ço 'haletê fewtê şadimergê"
Gava ko cemaeta heremserayê li Mîr tûre dibin û dibêjin, te çira Zîn kuşt tu bûyî egera mirina Zînê, Mîr dibêje:

"Mîr go mekirin xiyalê batil
Ew bêhuşê ez nebûme qatîl"

Lê ehlê heramserayê her çend dikin û nakin Zînê li nehişiyê dernakeve û nayê serhemdê xwe, da ko kesek ji derda tê û dibêje, serê we xweş Memê temenê xwe da we:

"Yek hat ji derive nagehanî
Go, Mem mir û da we zindegani"
Dema ko Zînê navê Memê dibîze ruh dikeve ber:

"Zînê mirina Memê bi guh ket
Goya miribû ji no bi ru'h ket"

* Lîre de ye ko Zîn sira dilê xwe bal wan eşkere dike û pêkgîhiştina xwe û Memê di cîjhana ruhanî de li bal hemûyê servedike û dibêje:

"Can çûvo bi canî muttesil bû
Ev ru'h bi ru'hî muzme'hil bû
Ru'h im te ji dil dema riza da
Şah im te di mulkê ten selâ da
Cismê mine bênewa giran bû
Ru'ha mine natewan rewân bû
Der'hal ji qalibî bi der ket
Şewqek ji ru'ha Memê bi ber ket
Wan terk kirin serayê fanî
Lew çûne cîjhanê cawidanî
Har çî ku qebûl neket mekanan
Dê seyr biket di lamekanan
Hûn vê seferê 'xelet mexûnîn
Şahid ji mirra muquerrebûn in
Gava weku can ji ten rewân bû
Canan ewî dît û can bi can bû
Filcumle ji merkeza turabê
Ew zerre gihane afitabê"

Di vira de Xanî bi zimanê Zînê gîhiştina ruhê evîndaran bo hev û gîhiştina wan bo zatê heq ko armanca serekîya arifan û kutatırın pileya irfanê yanê qonaxa fenasiellâhiyê ye, radigîhîne û paşê dîsan bi zimanê Zînê dibêje:

"Şêxê wekî ez bi dil murîd im
Ew ru'hî rewane ez qedêd im
Her çend li ba we navî Mem bû
Lê padişehhek 'elâhumem bû
Bû layiqê ferrê padişahî

Meqbûlê tecerruba ilahî
Qelbê wî ye wadiya muqeddes
Ru'ha wî bi nûra heq muqebbes
Hilgirtim û birme Tûrê Sîna
Bînende kirim digel xwe bîna
Îname dere ji vê 'hicabê
Ev zerre gîhande afitabê'

Lêre de em dibînin ko Memê di rêka evîna rastaqîne û asimanî de gehîste pileyek wusan bilind ko bû meqûlê tecerruba ilahî û qelbê wî ko weke çiyayê Tûrê Sîna ronahiya xwe li heq vergirtibû, bû egera wê hindê ko ruhê Zînê ji ko weke zerreyekî bû gîhande afitabê û ew ji digel xwe bire wadiya muqeddes.

Piştî hingê Zînê van sir û razana ser vedike, bi destûra Mîr "Sed cariye û Sîti û Dayîn" çûn ko Memê li bendixanê derxin. Lê gava ko gîhiştin zîndanê dîtin ko Memê:

"Durdaneyê Bêbehayê canî

Derdayê ji dest xwe rayiganî"

Ewana çawaniya qewimînê ji bendîyan dipirsin:

"Xelqê ku digel Memê giristar
 Gotin ku me dî ji set'hê dîwar
 Berqek bi 'eceb Memê bi ser ket
 Şewqek ji serê Memê bi der ket
 Yek şubhetî roj û yek çu hîv bû
 Yek şubhetî zîrr û yek ji zîb bû
 Ew şems û qemer ku mettesil bûn
 Der'hal bi pêkve muzmehil bûn
 Gava wekû pêkve muqtibis bûn
 Ew herdû li zewîê mun'ekis bûn
 Ew reng kiriyan munîr û newşen
 Zîndan li me kirme se 'hnê gulşen
 Mem ji bi vî rengî bêxeber bû
 Xûna dilê wî bi derve der bû"

* Xanî dibêje ko hemsuhibetiya Memê di bendîyan de ji eser kiribû. Kar li ser wan kiribû, ko ewana li jêr kartêkirina Memê çavê dilê wan roşin bibû û karin ewê dîmena han, wate teceliya ruhan bi çavê ser bibînin. Xanî li dû re dibêje ko teceliya ruh tiştekî rast e, evê hindê înkâr nekin. Ew yeka hulûl yan nesx û

xurûc û duxûl nîne. Ew tenasuxê erwah nîne. Belkû ew tiştekî rast e, wekî xewnekê ye. Lê xewn tiştek li şîhûda nivîşkane, teceliya ruh ser xewnê re ye. Gava ko Sîti û Zîn, cariye û Dayîn rastî laşê bêgîyane Memê têن, herçend dikin û nakin, nikarin Memê ji nehişiyê rakin:

"Hindî ku reha dîlf dişandin
 Hindî ku gulav lê reşandin
 Wan sehnekirin di cismî canek
 Illa ji serî diçû duxanek"
 Daku:

"Zîn hat û ji pêşve bû 'hewale
 Bedrê ku veda ji ber xwe hale
 Burqe' ku veda ji ber cemalê
 Xurşid numa digel hilalê
 Zînê wehe gote wî bedîhî
 Qum ya ceseden nefexto fihî
 Şewqa xeberê di wê şepalê
 Berbûyê serê di wê şemalê
 Wî dûyi qebes ji şewqê ragirt
 Qendilê qefes qebes ku dagirt
 Ew xelwetiyê di ê'tikafê
 Rabûve bi niyyeta tewafê"

Piştî Xanî ji zarê Zînê got ko qelbê Memê wadiya muqeddes e û ruha wî ji nûra heq bizot û nûr vergirtiye û Memê bi evîna rasteqîne ew nûra ko cemala layezal e, berda ye dilê Zînê, vê carê ji Zînê fîca nûra dilê xwe berdide serê şemalka vemirîye laşê Memê û ruh bi laşê bêruhe Memê dixe û ewî zîndî dike. Xanî bihanîna ayeta 29ê li sûreya 15ê ji Qurana pîroz "Qum ya ceseden nefexto fihî" zîndîkirina Memê bi destê Zînê digel zîndîkirina Adem bi destê Xwedê beranber dike û wana dide berhev. Xanî cemala xwe û cezebeya Zînê pişkekê ji cemala layezalfî dizane û dibêje, çawa Xwedê bi cemala xwe pufî qalibê bê giyane Adem kir, Zînê ji wusan Memê mirî vejand. Piştî hingê Xanî bihanîna vê beytê:

"Perwaneyî şem'wê 'teyîsa
 Wer murdeyî hate ser te 'Isâ"

Îşare bi zindibûna miriyan bi destê hezretê Îsa ji dike û evê hindê digel wê yekê ji beranber dike. Çawa miriyên mûcîza hezretê Îsa bi evîna dîna tecelaya heq di rûyê Îsa de zindi dibûn Memê ji bi evîna dîna rûyê Zînê ko tecelaya cemala Xwedeyê zindi dibe.

Piştî wê hindê ko Mem zindi dibe û digel Zînê dikeve qisadanê, ew cemaeta ko li wê derê bûne, dibêjin, Memê rabe em biçin ba Mîr, Mîrê ko destûra zewaca te digel Zînê daye, rabe mirazê te hasil bû. Memê weha bersiva wan dide:

"Ez naçime 'hezreta çu mîran
Ez nabime bendeyê esiran
Mîrê ku mirin hebit ne mîr e
Me'zûlî hebit ewî esîr e
Em çûn 'hizûra mîrê mîran
Wi 'hakîmê 'hakîm û feqîran
Ê çêkirî neynûka cemalê
Tîra xwe numa bi zulf û xalê
Fanûsa beden kirî mutella
Têda ji mirra kirî tecella"

Li dû wan gotinana re Memê dibêje, em pêkgîhiştina vê dînyayê naxwazin, emê herin bihiştê û hûr û xîlman çav li riya me ne ko daweta me bikin. Emê di bihiştê de bigîhîjin hev. Lî bihiştâ me bihiştik di ye:

"Lê cinneta 'aşiqan cuda ye
Mi'ad liqaya kibriya ye
'Alîstre ew ji baxê rîzvan
Naguncine wê çu hûr û 'xîlman"
Memê li dû van gotin û daxwazane re dimire:
"Gava ewî kir temenna axir
Dergah vebû li ber wi hazir
Teyrê ku qefes li ber vebûyi
Ew reng firri wekî nebûyi
Şehbaz ji qeyda merkeza ferş
Prewaz kir û gîhiştê zul'ers"
Xanî li vira de dîsan îşare bi baldara ruhî dike ko ji hîlîna xwe ya binêşî dûr ketiye û dîsan diçe digîhîje binêşê û heqîqeta xwe.

* Em dibînin ko Xanî di vê serhatiyê de Mem û Zînê di pileya here jêrin ko rojekî li cil û bergêñ guhorî de tolazî dikirin bi saya evîna rasteqîne digihîne pileya here bilinde ruhaniyê û zereya wicûda wan digihîne afitabê û baldara giyanê wan digihîne hîlûna binêşeyî û giyanê wan digihîne canan û ewana digîjîne cijhana cawidanî û heqîqetê. Eve rîbaza arifan e. Arif dibêjin mirov dikare li saya evîna rasteqîne de û destkişandin ji daxwazê vê dînyayê û fenaya xwe bigîje beqaya ebedî û bigîje heqîqeta Xwedayî:

"Fanî mebitin fenayê mutleq
Nabînitim ew beqayê bil'heq
Fanîti ji bo wîrra beqa ye
Baqîti ji bo wîrra leqa ye"

Xanî mirina mecaziya Mem û Zînê teceliya ruh dihejmîre. Ew layekî dixwaze pileya here jorfîne evînê ko li rastiyê de fanasiellah û gîhiştina zereyekî bo tava ehdiyetê nişan bide û layekî dî ji radigîhiştina pêkgîhiştina zevîni bend û sedek e bo pêkgîhiştina asmanî. Xanî bo nişandana vê hindê dest davêje bikaranîna şeweyek taybet û nenasîyar û neasayî. Şeweyek wusan ko hem jortirîn pileya tekamulê nişan dide û hem ji evîn dibe evîna ruhanî. Ruhê Memê û zînê li pêş cemaetê de dighîjîn hev.

* Mirov li bara mirina mecazi yan bi gotina Mewlewî mirina pêş mirinê de dikare sê pirsê giring bide ber çavan. Ya yekê: Mirin û zindibûna Memê û Zînê di kerametê arifan de tiştekî hêjayî bûnê ye, arif bi ïzn û destûra Xwedê dikarin tişte weha bikin çawa ko Mewlewî arifê mezîn êranê dibêje:
"Ewliya ra hest qudret ez Ellah
Tirê ceste baz arendeş zi rah"
Wate: Qudret û karîna ewliyayan ji karîna Xwedê ye. Ewana dikarin bi qudraeta Xwedê tîra ko ji kevîn derketiye li nîviya rê de bizivirînin ser ciyê wê.

Ya duyê: Hindek arif li ser vê bawerê ne ko eger mirov gihîste jortirin û serratirin qonaxa teequlê ko qonaxa eqlê feal dibêjinê, dikarin ruhê xwe têxin ixtiyara eqlê xwe ko ji wê hindê re musariqetê nîfis min el ebdan yanê cudayıya can ji laş dibêjin.

Wate: Eger mirov gihîste wê pileya teequlê, her gava ko bixwaze dikare ruhê xwe ji laşê xwe derîne û dîsan vegeŕine laşê xwe.

Memê ji di zîndanê de dibe sofî û paşê ta pileya şêxîniyê ji diçe, çawa ko Xanî dibeje:

**"Soff ko gihîste kuncê xelwet
Şêxînî gihand meqamê we'hdet"**

Mem di zîndanê de digihije axirin pileya irfanê ko pileya wehdetê ye. Di vê qonaxê de salik tenê tişteki dibinin û ew tişta ji her heşqeta mutleqe û bes. Xanî dîsan ji zîmanê Zînê dibêje ko Mem Şêx e:

**"Şêxê wekû ez bi dil murîd im
Ew rû'hê rewanê ez qedid im"**

Yan gava ko Memê di zîndanê de ye, Xanî ji zarê Memê dibêje:

**"Soff me û sewmi'e nişin im
Xoş talîbê nûra rûyê Zin im
'Hasil qewimî meqamê mûtû
Bermewcibê qeble en temûtû"**

Vêca Memê ji gorekî vê bir û rayê dikare rûhê xwe li laş azad bike û dîsan bi teceliya rûyê Zînê ewî vergerîne ser ciyê xwe. Xanî pêş vê qewmînê gava ko Memê di zîndanê de ye, bi hînana hedîsa: "Mûtû qeble en temûtû" Mirina pêş mirinê ji Memê re pêşbînî dike.

Ya sêyê: Hunur û fendeki çîroknivîsiyê heye ko dibêjinê flaşforward. Flaşforward li himber flaşbakê de ye. Flaşbak ew e ko niviskar demênbihurî û bîreweriyên çûyi di bîra qehremanê çîrokê re derbas dike. Lê flaşforward dahatiya ko neqewimiye, qewmîna ko dê biqewime, di bîra qehreman re derbas dike û tîne pêş çavên wî. Xanî ji digel wê hindê ko li evê teknika

çîroknivîsiyê wêcê verdigre flaşforwardê li qonaxa zêhniyetê digehîne qonaxa eyniyetê û ewê bi navê teceliya rûh nîşan dide. Ev hinde gorekî bîr û raya irfanê heman fenafîllahî ye. Lê Mewlewî arîcê franî ji vê hindê re digel berçav girina hedîsa "Mûtû qeble temûtû" mirina pêş mirinê dibêje: "Mergê pêş ez merg in est ey feta
În çunîn fermûd ma ra Mustefa
Gost mûtû kullêkum min qeble en
Yeitiyelmewto temûtû bêlfêtê"
Mewlewî evê hindê li çîroka temsiliya Totiya Bazirgan de tîne û dibêje:
"Qissêyê tütîyê can zîn san buwed
Kû kesî me'hremê mur'xan buwed"
Wate: Çîroka Totiya Can ji her wek vê ye, lê kanê ew kesê ko bibe mehremê baldaran.
Bi vê hindê em digihijen vê akamê ko çîroka Mem û Zin çîrokek irfanî ye. Xanî arîsekî tam e. Ew çîroka xwe li jêr kartêkirina irsana franî dinvîse. Xanî digel toreyâ farîsî baş nasiyar e û ewî tewawî zanistên gûna xwe bi başî zaniye. Digel şûnewarêن hozan û torevanê mezine Îranê yên weke: Firdewsî, Se'dî, Hafîs, Camî, Ettar û Mewlewî baş nasiyar bûye. Çîroka wî di bara bîr û hîzrîn irfanê de birekî li jêr kartêkirina Işraqîyan, bîr û hîzrîn Şêx Şehabeddînê Sorewerdî daye. Lê bara toreyê de jêr kartêkirina Nizamiyê Gencewî de ye. Heta kêşa helbesta Mem û Zînê ji li ser kêşa Leyl û Mecnûna Nizamî yanê kêşa "Mef'ûlu mefa'elûn fe'ülûn" de ye. Lê her wekî me pêşda ji got Xanî li ser wana re ye. Xanî bêyî piştewaneya dîrokiya toreyî di toreyâ kurdi de ev çîroka nivisiye. Xanî ne wekî ewanê dî ko çîrokên irfanî nivisiye û irfan tenê li seretaya çîrokê de xebitandine, belkû ewî bîr û hîzra irfanî di seranseri çîrokê de raçav kiriye.

HUNERMENDEKÎ KURD


Di 25.5.1967an de li bajare
Amûdê xwedê daye. Li Amûdê jî
ta bakalorya xwendiye.

Di salên 1986-1987 li Samê di
xwendegeha hunerî de xwendiye.


Di salê 1987-1993 li Akademya
hunerî li Leningradê xwendiye û
vê demê bo dekторatê li

Akademya şanoyî (hunerê dekorê)
dixwêne.



Di 2-3.12.1996an pêşangeheke
hevbes bi hunermendêñ Rûs re li
Salona Yekîtiya Hunermendêñ
Rûs cêkiriye.



Cengo Eli







NERÎNEK

LI SER PROSES A KAFKA



Alanê Hajo

Proses yek ji pirtûkên Kafka yên herî binavûdeng e. Kafka li Pragê di 3.7.1880î de hate ser rûyê dinyayê û di 3.6.1924an de li Nemsayê mir. Çek dibêjin ew çek e, jiber ko ew li welatê wan bûye û li wir jiye, Alman jî wî dixine yê xwe, ji ber ko wî berhemên xwe bi almanî nivîsîne, lê ya rastî ew bi xwe cihû bû. Dive em ji bîr nekin ko welatê Çekan hê ji şeszed salî ve, berî bûna Kafka, beşek ji Impratoriya Nemsawî bû û weke ko em dizanin jî zimanê wê impratoriye almanî bû û zimanê çekî dihate perçiqandin. Vêca nixerîb bû, ko wî bi almanî nivîsîbe.

Sedemên ko ez ajotime ber bi xwendina Kafka û pirtûka wî Proses ve, ji nav sedemên din, navdariya wî di rexnegirtina li civakê bû, taybetmendiya wî û navûdengê ko pê ketibû.

Pirtûka Proses li ser karmendeki payebilind e, ko li bankekê kar dike Cihê bûyeran di seranserê pirtûkê de naye diyarkirin. Karmend di baştirin salêن jiyana xwe de ye. Bûyer bi awakî

tîr destpêdikin û yekser diçine ser naveroka pirsê. Karmend zû dikeve rewşke bêhêvî, çaxê Josef K., ew ji navê wî ye, beyaniyeke ciwan ji xew şiyar dibe û dibîne, ko du kesen ji binî ji re nenas di mala wî de ne. Ew herdû li ya xwe siwar dibin û dibêjin, ko ew ji aliye dadegehekê ve hatiye girtin, ev dadegeh jî ji binî ji Josef K. re nenas e. Ev bûyer hê ji destpêkê ve bi tevayî xerîb û bê bingeh xwiyadike, bi taybetî dostê me Josef K. wilo hîzir dike. Ew tore dibe, lê ji ber ko dikare weke berê jiyana xwe ya rojane berdewam bike ew nema vê pirsê ji dil digire. Ew weke berê diçe karê xwe û bi xwe ve mijûl dibe. Piştre mirov dirame, de erê ew bi çi hatiye tewankirin, lê ev ta dawî jî hişkere nabe. Dibe ko ji xwe ev tiştê baş be, ji ber ko mirov pêwist dibe bi xwe birame, da bigehe encamekê. Erê, rast e Josef K. weke ko dizane bi şahî jiyana xwe didomêne, bê ko serê xwe bi bûyerê biêşene. Lê zû bûyer her diçe tevlîhev û aloztir dibe, gelek kesen din dikevine nav hûnana bûyerê û têkiliyên lehbok yên wan kesan bi Josef K. re derdi Kevin der. Wek nimûne yek ji van kesan berdestika Josef K. ye û cîranenke wî ya bi navê zerî Burstner e, ko ew bi awakî mijane dilketiyyê. Rûreşî zû berdewam dikan, wî dixwazine dadegehê ko bi cihekî genî tê pesindan, li wir mirov bi zorê dikare bêhna xwe bikışêne. Sîstema dadegehê dûrî aqilan aloz û hîrarkî digere, wek nimûne tikes nizane kî yê dadgerê serekî ye û herewha bingehê prosesê ji tawanbarêñ din re jî nezelal in. Josef K. parêzerekî (advokatekî) ko mamê wî bijartibû ji xwe re digire. Parêzer pîrekî qure ye û ji Josef K. re bêkêr xwiyadike. Kcsen di pirtûkê de ji bili Josef K. tev genî xwiyadikin, rebenen bêçare bê viyan in, ew diçin xwe bi 'wanêñ mezin' şahîk dikan, ji ber ko ew goman dikan dê ev yek parîkina



bigehêne wan. 'Ewê mezin' bi xwe jî rebenê ko yek hizira bikêrhatî di serên wan de nîne. Pesindana kesên ko cih di çîrokê de digirin, bêsinciya wanî rûşistî, keysperestiya wan ko dikarin ji bo berjwewndiyêن xwe pêl her tiştî bikin, dihêle ko dilxelênek bi xwendevanan re çêbibe. Bi tenê Josef K. têdigehe ko ev nexweşîyeke giran e û dixwazxe serî li ber hilde, lê hêdfî hêdfî ew nasdike ko ev tiştekî pir bi dilêş e. Proses berdewam dike û her diçe Josef K. ji aliyê psîkî ve dihêrive. Bi rengekî ji rengan ew bi nexweşîya wan dikeve, lawaz dibe, nizim dibe û dikeve seviyeta wan. Her kes li wir weke ko karmend bin xwiya dikan, di nav wan de, yên ticaran ne li bîrê, wek nimûne neqîşvanek û çend pûştên ko bi temenê xwe gelekî piçûk in. Dawî her tişt berbi şasîfî û xirabyê ve diçe, karê Josef K. li bankê, têgehiştin û girêdana bi rastiyê

re û pirsa hatina dadegehê, ew nema li ser sedema tawankiria xwe jî hîzir dike.

Di deriyê ber dawî de ji pirtûkê ew bi korfelaqiyekê ji aliyê dadegehê ve baş plankiri pêrgî keşayê dadegehê tê. Keşa li ber xwe dide, da ko bi alîkariya scrpêhatiyekê jê re armanc û mebesta proses û dadegehê şirove bike. Pirtûk bi vi rengî tewa dibe: Josef K. weke sewlekê tê gurandin û tiştê dawî ew dibîne bê çawa celad wî bêrûmet dikan.

Di despêkê de dema Josef K. li ser xwe bû simpatiya mirov dikişande bi ser xwe de, lê di dawiyê de bi tenê dilê mirov pê

dişewitî.

Mebesta pirtûkê ji prosesa dadegehê mezintir e. Weke ko ez têgehiştîm, ew dixwaze du tiştan bibêje:

Ya pêşî ji ber ko Josef K. bodîle û kclêj e, wî masê xweyî jiyanê windakiriyc. Yê hêjayî jiyanê dive biserketî be û di ser sînorêن rebenî piçûk re be. Lê dadegeh e, ya ko wî dixe nav vê rewşa alov de. Dadegeh dikare derbibire bê di jiyanê de bextê her kesekî ci ye, lê ji ber sînordariyê cw gelek caran ji guh tê avêtin.

Ya dudyan dibe ko ew parodyaya (zalikirina qeşmerî) bi tevayıya civakê be û bi pêvajoya nexweş ya ramana wê be. Dive mirov di qalibêن civakê de be, yan na, wê civak wî biperçiçqene. Ev jî dike ko hin serê xwe dideynin û ew jî dibine yek ji nav garanê, yê vê neke tê hêrtin û avêtin.

BERBISK



Keça Kurd

1

Berbiskê helbesta min windane
 Ji xuhdana têkoşerî gelek dema
 Reşka çavêن hemî xema
 Helbestekê tevna xwe ya pîroz çinî
 Li beroja serketina dixemilî
 Rengê xwe da çol û çiya
 Di bergeha serbestî de
 cihêن piyêن xwe çêdikir
 Li ber ava şaristanî hat û çokir
 Biska rojê li anîka wê zer dikir
 Di asmanê şanazî de estêrekan
 li pey heyvê li berbanga dimiçiqîn
 Dêmê zevî
 ji bo xemla vê helbestê
 nimêjkirin nimêjkirin

Pîrejina dayika şehîd pişta xwe da
 warê şîn û derbiderî
 Li çîroka bêçariyê derî dada
 wê bexçika êş û jana
 li bin serê şehîdekî nenaskirî binax
 dikir
 wê kovanêن cerg û dila bi xwes
 gotinêن

vê helbestê pînedikir
 dilorand û axa ziwa li ser sînga
 goristanek
 wê şildikir
 ji bo taştê firavîna biçükên xwe nan
 dipêje
 zersimbilên liqata par serkutdikir
 lê nedêra û jê nexwar
 Babelîsoka gunehkarî ji başûr û ji
 bakur hat

2

Liqata par û ya pêrar talan dikir
 Pîrozgeha perlemanî kelha kurdan
 dihêrivî dîwar ketin
 Gulbişkojê nû hêviyan ên xweziyan
 di gerûya azarî de
 xwe dikuştin xwe dikuştin

3

Heyvê barkir
 di xurçika hewravekî reştenî de
 Rûyê sipî xwe dipoşa
 eşâ salan pelû dikir
 Li ser laşê seretanî derda
 min nezanî
 li beyarê bêbextiya
 qulocen berberiyan şax vedane
 neperûşkên kîneberî dirêjbûnc
 dixepêrin çavêن sala,
 kujuyên dema
 Divêvirîn ji nû reşkavolî xeman..
 Min go çîma
 Li pencera başûrî dil
 vê kevokê ser daniye li ser xema
 li hêlîna xwe nebane
 Min nezanî
 Welatekî bê demsal e
 Buharekî gulkujêne
 Min nezanî
 Ku berbiskê di helbesta
 min windane

950801

Nameyeke kevnenû ji torîna şençepîroz re

İsmail Taha Şahîn

Torîna min!

Torîna xewnrojkên minê rûtek
mebêje

kî dê serê xwe dante:

Ser balîskên serê te
Te ez bivêm, te ez nevêm

Ne tu dişeyî bijî bê min

Ne ez dişêm bijîm bê te.

Evîndarêñ helmeke bayê
evînê

Evîndarêñ kul û kamên
serwinda

bi germî ji min hez dikin
Serkirînkên stûyê şêran
dîqîrînim.

Çavê rûviyan dialisin
da xemêñ terxanan pê
verevînim.

Ne şiyan bi darê zorê
min ji dil wan derxînin.
Ez çavekî darkirî me ji
rûndikan

Hêviyeke benestû me
na xendiqim.
Torîna min!
Dema ax dibête hilm
Hebûn hemî li ber min dibête
ax
Nawiska evîndarêñ wêvetiran
min pê çêbit
Nahêlime sax.
Were da em destgerdenî hev
bibin.
Da rastî hêlînka xwe
di sîngê me de ava kit.
Li kinarê dilê me biwirit
Xwezîkêñ me
li mîrga evînê biçêrin
Da ferhenga zimanê me
pişt li ferhenga peyvan nebitin
hevdijan li hev neêxit
axaftinan varê nekit.
Da ez û tu di bin saya evînê
de
bibine serek
serêñ bê ser
xwe pê bigirin
Di kirâsê vîna me de
zencîra koledariyê bibizdînin
Koledaran bin çok bikin
Kamên kûvî vehewînin.
Axa bin pê te pîroz kin.
Şenge Torîna pîroz!
Ne şayî pîroziyê ye
ji min dûr bî
ji te dûr bim.
Di gewriya min de naçit
her ro dêwekî guhderzî



talûqê canê te bîbit
di bin kerb û kîna wî ve
şev û rojan bilerizî.
Torîna min!
Ji deziyê zuha pêvetir
di guhê min de nîn e.
Xemla bihara dilê min
bi viyana te her şîn e.
Di pîstê bêdengiyê de
sing hilkêşan
ho li mirinê mijûl kirim.
Kirtêna danê duker
di mala min de nehêlan.
Xwezikên min şipne kirin
Yan ji tevê xweştir ew e
ez nemirim.
Torîna min!
Lêmişteke kovanan da ser
êminiya dilê min
Ew lêmişt bû xencerek
kamên têni serjêkirin .
Barûvên kerb û kîna reş
evîndarî kire mirin
çinku pişta xwe nadime
mirovê di sîngê min de.
Hêviyên têni avdidit
Di bin çadira xweşmiroviyê
xwe diqelêzte riha vînê
bo mirina min
barovc û lêmişt pê xîrin
lê namirim.



BENDEWARIYÊN SPÊDEKE TEVIZÎ

Hoşeng Broka

Wê spêdê...
 Hîna zû
 bi helçinandina gwîzikên pembo re
 te ahînokêd xwe yên lal,
 sozên li ber bayê,
 paytextên ingirî,
 li ser textikên ko bi talanan
 xwedîkirî
 yeko... yeko
 dipelixandin
 û dilketîkê te nehat!

Bêrikirinên tozê
 ji " memikên êşê " re
 li ber pêlên zaroktiyek ji tozê
 ji boyî tozê
 te keritand
 û dilketîkê te
 nehat!
 Hemî welatan/ Awazan
 bi viyana te
 xwe kuştin
 xelmaşıya rojavayekî kêrdayî
 di kefenê tixûban de
 te

h
 e
 d
 i
 n
 a
 n
 d

û dilketîkê te
 nehat
 û nehat
 û nehat!!



WERGERANDINEKE BIJARTÎ JI PIRTÜKA

"DAXISTAN

WELATÊ MIN E"

YA RESÛL HEMZATOV



Wergê: Samiyê Ehmedê Namî

Bê çawa çiya tev bi dîmenê xwe nêzîkî hev in, bê çawa kulîlkên çiyan tev bi malbat, reng û naziya xwe nêzîkî hev in. Wilo jî kes û gelên çiyayî bi surîş, rewş û psikolojiya xwe nêzîkî hev in. Ü jî ber ko min rewşa xwe (ya kurdan), bi kêmanî di hin redeyan de, di pirtûka nivîskar û ristevanê Daxistanî, yê bi nav û deng Resûl Hemzatov de "Daxistan Welatê min e", peland. Min xwest dilê xwe, li ser zimanê wî û di riya heyberen wî re, jî we re vekim.

R.Hemzatov dibêje:

- Gava helbestevanêن xort helbestêن xwe ji bavê min re tanîn, berî her tiştî wî li xêzên wan dinêrî. Ji ber zargotin dibêje: *Cotarî ji xeta cotê xwe xwiya ye*. Paşı şâsiyên wan rast dikirin û rastnivisa wan bi serûber dikir, wî serê xwe dihejand, weku bibêje: Xwe hînî nivîsandineke rast bike. Hin xortan sirincokêن xwe bi fedibûn diyar dikirin, ko "Homîrosê sedsala bîstan" jî kewden bû. Bavê min digot: Min ev yêka nizanibû?! Min ev "Homîrosê" xort nedinasî.

Yên wekî wan hîna li Daxistanê pir in. Bavê min bi hebûna şâsiyên rîzimanî jî di ristan de zişt dibû.

Her kesê ko bavê min dinasî, weku diyar bû, li gor xwe lê dinerî. Helbet wî cot dikir, geya diçinî û li erebê bardikir, hespê xwe av dida û lê siwardibû. Min tim didît, ko pirtûka wî di destan de ye. Pirtûk wilo digirt, weku çûkek pê re be, û tim bixwaze ji desten wî bisire. Bi ser ko ji mîvanan hes dikir, tim bi windabûn û aloziyê dihesta, gava dihatin ba wî û ew ji xwendinê mijûldkirin, te digo qey wî ji limêjeke giring dûr dikin. Ü gava bavê min dixwend, diya min li ser sertiliyên xwe dimeşî û tiliha wê tim li ser lêvîn wê bû, da tenha em bi kurte-pist bipeyiv in. Harbüniyan nekin, bavê we kar dike! Xweş dinasî, ko xwendina pirtûkekê, li ba torevan, karê wî ye. Wê bi xwe jî nedîwêrî derbasi cem bibe, da binêre ka tiştek gerekî wî ye, ka hibir di diwêtê de ma ye. Bi riştî tim guhdarî diwêta bavê min bû, nedîhiş ziwa bibe. Eger du rojên ges di jiyana bavê min de hebin, ew jî jê re anîna pirtûkan e, pirtûkên ko wi dixwend in, û pirtûkên ko dinivîsandin. Tucarî daxwaza kesekî, eger ci bûna jî, nedivegerand. Didît ko gotina 'nîne' gava 'heye' mezintirîn derew e û girantirîn gunehkarî ye. Rewşa wî çareres dibû, gava pirtûkeke ko wî jê hes dikir jê dihate xwestin. Pirtûk dikete desten nivîskarê xwestî de jî lê hîna herdu desten bavê min bi hêla pirtûkê de dirêj dibûn. Ü gava ko pirtûk demeke dirêj li ba yê xwestî dima, bê ko wê vegeftine, bavê min jê re dinivîsand: 'Min pir bêriya wî hevalê xwe, yê te bi xwe re birî, kiriya. Gelo, bi vegeftê mijû nabe?'.

Digot: 'Nabe tu ristan binivîsî û nikaribî wan ji dê, keç û xwîşkekê re bixwînî. Ez ti tamê di filimên ko sîpêñ

kêmî şazdesalî ji dîtina wan dûr dikin, nabîn im'.

Kêfa wî ji nivîsandina bêkêr re nedihat. Û carekê namek ji hevalekî xwe yî kevn wergirt, name bi zimanê erebî, bi bêkêrî hatibû nivîsand in. Bi qerf jê re nivîsand:

Tipeke te daholeke çiriya ye, Xal di nava wê de ferşekî giran e. Ya din ji avayîke ban hêrîvî ye, Tenha sitûnek jê ma ye ko nehêle bi tevayî biherive. Û hîmekî mezin ev tîpa belengaz perçiqandiye. Tu ji min re nabêjî te çawa ev hîm bi ser de gindirandiye? Te kumê tîpa çaran heta bi birhan xwar kiriye. Her xêzeke te rûpelekî dadigre. Gelo, tu ji xwe re mijûl nebûyî, ko di şûna pêniwîsê de neperûşkên pisikan bi kar bînî? Tip weke dareke pirşaxe, û rûpel weku daristaneke ko bagerê lêdabe, û tevrikê darbiran tê de gêre kiir bin. Seyre: Ma tu li ko fêri vê nivîsandinê bûyi?

Hingî, pir kes ji van malikan ingirîn. Hin ingirîn ji ber ko tê negihiştin, û hin ji ber ko xweş tê gihiştin. Hin bawer bûn ko Hemza qerfîn xwe ne bi nivîsandina tîpên erebî bi kirêti dike, lê bi kirêtiya tîpan bi xwe dibe. Lê tucarîne dikete bala bavê min de, ko rexnê li tevaya elfebeyekê bike. Kevir tavêtin bexçê wan kesên ko elseba çirûk dikir in û yên ko nizanîbûn bi spehîtayî wê pêk bînin. Mirov dikare bi gelemperi bêje ko bavê min ti elseba bi nebaşî neanîne ser zimên. Lêbelê çavên wî bi wan kesên ko dev tavêtin elfebeyan bar nedibûn. Digot: 'Ereban êris öerdane Daxistanê, ev rastiyeck e, lê ti gunehêñ nivîsandin û pirtûkêñ erebî di vê yekê de nînin'.


Bavê min di pirtûlxana xwe de, nêzîkî pirtûk û pêniwîsên xwe, nêzîkî pelekî nivîsandî û yekî spî, nenivîsî, rih spart. Ci pê ve ye, wê hine din wî pelê sîpi dagrin. Daxistan fêr dibe, Daxistan dinivîsine. Niha, ezê serpêhatiya

fêrbûna xwe ji we re bibêjim. Ya rastî, çawa li min bar kîrin da ez fêr bibim. Hingî, ez pêncsalî bûm, Daxistan bi tevaya xwe li pişt masêñ xwendinê dirûnişt. Dibistan, xwendegeh û kolec yek li pey yekê vedibûn. Pir û zarok, jin û mîr, fêr dibûn. Pêşvebirineke rewşenbirî pêk dihat. Pirtûka min ya pêşî di dibistanê de li bîra min e, wilo jî defterên pêşî ko bavê min ji min re kîrî bûn. Wî bi xwe berê xwe ji gûndekî dida gundekî û doza fêrbûnê dikir. Elfebeyekê mü belav bû. Bavê min ew bi germî pîroz kir. Tim ji nava xwe diêşa, ji ber Daxistan dûrî kultûra Rûsî ya payabilind bû, ji ber ko elseba nebû. Wî digot: 'Daxistan parçek e ji welatê me yê mezin. Pêwîst e li ser ko wî binase û mirovaniyê jî pê re, pirtûka jiyana mirovaniyê bixwîna û wê binase'. 'Rêke nû ye', 'Cihanek nû ye', 'Mirovin nû ne'. Ev awaz û sîmbolên wan rojan bûn.

Bavê min zarokên xwe ber bi van awazan de rê dikir in, ber bi awaza dema nû de. Ne hesan bû ji nûbûnê re, ko riya xwe veke. Pir bûn, yên ko kuç û kevir dixistin riya vê nûbûnê de. Gelek pencerên dibistanê nûvebûyî hatin şikandin. Dijminen fêrbûnê digotin: 'Ev ci zeman e, ko şivan tê de pirtûkan bixwîne, ko qeras tê de dersên xwe ji ber bike? Erkên wan guhdana pêz e û hêrtina arvîn e'. Û serbûriyên xirabtirin peyda bûn. Tê bîra min, çawa guleya tîvingê ya berê wê li mamosê bû, li karta (xerîta) bi dîwarê dibistanê ve daleqandî ket, û di vê bûyerê de bavê min ci got: 'Kirî vî tawankarî cihan bi guleyekê quł bikira'.

Berî niha kesekî di gund de, pêvî melê, nikarîbû namekê yan pirtûkekê bixwîne. Niha herkes pirtûkan, pêvî melê, dixwinin. Ev milete biçûk xwedanê hebûneke mezin bû, û hîna çîroka Daxistanê tê nivîsandin. Dawî ji vê dîrokê re nîne û nabe ko jê re hebe.

JI DÎMENÊN CENGÂ MEZIN*



Sebî Botanî

TOPA SULTANI

I

Bi gotina apê xwe bikin, hûn poşman nabin, werin herin Wanê û Gola Wanê, herin Bedlis û Tetwanê, herin Qars û Erdehanê, herin Nemrûd û Sipanê Xelatê, herin Agrî û Araratê... Herin ji xwe re çiyayên bilind û şâşikspî, kelehêن mezin û dêrin bibînin. Her kelehek ji van kelehan hezar tiştan dibêje. Li hindav û nézi Wanê û Gola Wanê kelehêن mezin û dirokî hene, du kelej ji van kelehan li raserî lêva golê ne, herdu jî li ser tatêن pan û mezin hatine nijandin, mîna bajaran e û jêre wan şkeft in, her şkeftekê çend dergehek hene. Ko mirovîkî şareza wan dergehan dibîne, di cihê xwe de şas dimîne û bi çirîset ji xwe dipirse: gelo vekirî ne an daxistî ne?!

Di van şkeftan de nawîskêن kolayî hene û bi diwaran ve ji dergehêن daxistî û pencerokêن corcor û ne wek hev hene, pişta wan jî tat e. Li ser banêن du şkeftan nişgehêن wek hev û yek endaze hene. Lê ko hûn diçin vê geryanê, an vê geşt û sêranê, Adilcewazê ji bîr nekin.

Ya ko li ser qeraxê bakurê rojavayê golê dikeve, da hûn wêneyên kevnar û entîk li ser nehitêن keviran bibînin. Herweha pêvî ye hûn dêra Axtamarê jî bibînin, ya ko li ser giraveke golê hatiye avakirin. Herin, li xwe nekin derengî, hemû dîmenêن devera Wanê delal û spehî ne. Herin ji xwe re wan hemû keleh, şkeft û nawîskan bibînin, da hûn biponijin û hişê we bi paş ve vegere. Dastan, efsane û çîrokêن berî hezareñ salan bîne bîra we, ko hemû di binyat de, hindî, kurdî, ermenî, farîsi, aşûri, grêkî û azerî ne û di nêvşeniyê devera Wanê û yê hawîre gola Wanê de belav bûne. Giyabûk, Xewna Şivanê Koçer Badoşê Çeleng, Hespê Xidir, Elyas û Tâjîyê wî, Mîrê Maran, Mîrê Cinan, Keça Mîrê Cinan, Kelagames, Kurê Zalê Zérîn, Pîra Miroxwer, Memê Alan, Xec û Siyamend, Koroxlî, Topa Sultanê İslâmî û hwd; ko heryekê ji bûyerekê an ji xeyala kesekî peyda bûye. Ji gotina Mela Cemîlê Batûvî, ta ko zimanê kurdî ji aliyê dewleta Ataturk ve nehatibû qedexekirin, nav û naverokêن van hemû dastan û efsaneyan di mal û diwanxaneyên kurdan de, nemaze di diwanxaneyên beg û axan de, dihatinbihistin. Sê ji van efsaneyan xwemalî ne, yanî li devera Wanê afîrine, Giyabûk, Xewna Badoşê Çeleng û Topa Sultanî. Heçikê efsaneyaya Giyabûkê ye, ji gotina giyanasê mezin Hevindê Habil, dendikek ji tovê wî giyayê nazik û piroz, di nêv pirça serê dayika me Hewê de ji behîstê hatiye ser dinyayê. Lê heçikê Xewna Badoşê Çeleng e, çîroka wê dirêj e û pir bi sam û çirîset e jî,

guhdar bi bihîstina wê sewdaser dibe. Ev herdu efsane kevintirin efsaneyên vê dînyayê ne. Em dê nuha dev bi gotina efasaneya Topa Sultan bikin, ew topa ko despêka wê bi derewan hatibû afirandin, bi devê sofi û derwêşan hatibû pîrozkirim û xelkê nezan pê hatibû xapandin. Lê pişka dûmahiķê hemû rastî ye û pîrr kesan ew top û hem bûyera wê bi çavêن xwe dîtine. Gelo çiman ev çiroka rast û derew hatiye ji bîr kirin, êdî ji sala 1917an ve ti kes navê wê lêv nake!

Cu kesî nedizanî û nuha jî min ne bawer e kesek bizanibe, ka kengê û ji zemanê kîjan Sultanî ve topeke mezin, ker û lal, li ser çiyayê Zer raserî gola Wanê swar kiribûn. Êdî ji hingê ve, nav û dengê vê Topa Sultanî bi saya "telqîna" hindek ji şez û melayokên me kurdan, welat dagirtibû, her sofiyekî, her derwêşekî û her murîdekî, bi navê şêxê xwe bi ferманa wî, tişték gotiye û ji cem xwe jî berdaye ser.

- Cin dadigrin û sıriştî diteqînin.
- Xelata Xwedê ye ji Sultanê İslâmê re şandîye.
- Kilîla karkirina wê bismilaya devê sultan e.

Êdî bi vî awayî sal bi sal û nîş bi nîş bawerî pê anîne û di hizra wan de bûye wek rastiyeke. Ev rastiya bêbinyat bûbû qajik di devê xelkê nezan de û wan jî mîna derwêş û sofiyan bi serê şêx û bi goristanêن meşayixan sünd dixwarin ko ev Topa Sultanî bi bismilaya devê sultan kar dike. Goya her bi saya vê topê ye ta nuha ev rexê dewleta Ali Osman maye parastî.

Lê ev gotinêñ hîç û pûç bê bersiv nediman, pir kesan digotin derew e. Hunermendekî gotibû ko "bismila" her "bismila" ye, ci ez bixwînim, ci sultan, an kesekî dîtir, ma gelo ferqek heye? Ji ber vê gotina wî, derwêşan ew bi dar û biviran kuştibûn. Yekî cuhû jî gotibû ko "Ev Topa Sultanê me bi makîneyeke

bîçûk kar dike, ew makîne di qotiyekê de ye, ew qotik jî di hundurê gustîlkekê de ye, ew gustîlk di tiliya sultanê me ya qılıçkê de ye. Di tengasiyan de ci gava ko sultan hez bike, sefa gustîlkê radike û niklokê wê ê bi mengene badide, hingê bi hêza magnetize ji Stanbolê, dê ew topa li ser çiyayê Zer, karê xwe bike. Ev gustîlk ji sultanekî bo sultanê di pey wî re dimîne. Cudahiya di navbera gustîlka sultan û gustîlka Silêman Peyxember de ew e ko ya Silêman Pêxember diyariya mîrê cinan bû, lê ya sultanê me karê destê hostayekî dînyayî ye."

Hingê, pişti bihîstina vê gotina zilamê cihû, şêxekî navdar û xwedî "keramet" xwe neqayil kir û çavêن xwe nuqandin û hûrik hûrik xwe ponijand, paşê navê Xwedê anî û got:

- Gelî musulmanan! Evî zilamê cuhû viyaye bi wan gotinêñ xwe ên şaş û derew rastiya dînê me vajî bike. Ev gotinêñ wî jî rastiyê dûr in, rastiya vê topê "îlmê" wê li cem Xwedê ye.

Ji Xwedê û qencen wî pêve kesek dî pê nizane.

Pişti vê gotina xwe, şêx çavêن xwe vekir û serê xwe hejand û got:

- Lê belê ez dikarim bibêjîm ko ev Topa İslâmî, ya ko li ser çiyayê Zer e, ji hêza "quđretê" ye, ya leşkerê "lem terew" bi xwe ye.

Êdî Nefiyê Erzeromî, şâfrê navdar û zimantûj li hember van gotinêñ şêx bêdeng nema û got: - Ey xelkê nezan û gêj, guh nedin şîretêñ vî şêxî, ser û binê wî bela ye, ew patoxwerê Şêx Yehya ye. Heydê werin, rastiya vê topa xaqanî ji devê min bibhîsin; barûta wê ji teşna sultanê me ye û dagirtina wê bi destê Şêx Yehya ye.

Ko evî şêxê xwedî derwêş û xwedî "Keramet" ev gotina Nefî Erzeromî bihîst, pir xeyidî û nivîsek dirêj bo Şêx Yehya nivîsand, herçî xirab e, ci rast, ci derew, wî di derheqê Nefî Erzeromî de

danf ber destê Şêx Yehya. Hiş di serê Şêx Yehya de namîne û demdes diçe Babul-Âli û sultan agehdar dike:

- Ey sultanê musulmanan! Ey xaqanê bej û avê, bizane ko Nefî Erzeromî xezeba te û ya Xwedê jî li xwe helalkir. Gerek e sezayê xwe bistûne, da kesek dî çav li wî neke.

Sultan jî diranên xwe disîrikîne û demdes bîryara kuştina Nefî dide û dibêje: Wî kafirê ehmeq Nefî Erzeromî, hêdi hêdî bi eşkencê bikujin.

Wilo kirin jî. Dibêjin di ber kuştina xwe re Nefî gotiye:

- Ez mirovekî bextewer im, çunkî ez di hemû jiyanâ xwe de dijminê zor û sitema sultan û derewên şêxên sextekar bûme.

*

çirîset = heybet, saw

pêvî = pêwist

*patûxur = Nanê hişk yê ko di tenûrê de
dişewite.*

demdest=yekser

ASO



Kamîran Hersan

Kevir bi kevir, tenhatiyê li ser
milên xwe hildigirim..
Kêlîkan dinejinînim..

Êşê vêdixim,
û silavê li rondikan dikim..
Dema min winda bû,
li paş girên bêrikirinê xwe vesart.
Wek avê bi ser qûma tenhatiya min
de rijiya..

Sînorên rojan sergerdan bûn
Çûriskek , ronahiyeq diyar bû û ber
bi nemanê de çû..

Yê ko şîniya terr ji labîrênta çavan
çiniye, ez bûm.

ji destêne te yên ko di asoya hişê min
de avjeniyê dikin

Wek hetavê tu ji zeviyên hevdîtina
min winda bû yî..

bi ewran û bi mijê qirêj bûm
Wek asoyê ko keskesorek jê diket
û çûk dişikiyan
pîr bûm.

Têbînî

Ji vê hejmarê û şûn de; dê seydayê hêja
Sebrî Botanî xwendevanên Dugirê bi
biranînen şervanên kurd ên ko besdarî
şerê cihanê yê yekem bûbûn, dolmend
bike.

Di nav xêzên van biranînan de, dê gelek
agahdariyên balkêş û nebihîstî, bêñ
ragihandin û şêweyê nivîsandina
rewanbêjane yê seydayê Sebrî Botanî
dê dîmenên vebêjiya bûyeran ciwantir
bike

Dugir

DEWLETA DOSTIKÎ

III



Fehedê Mustefa

Sultanê Selcûkiyan şandeyekê dihinêre cem Nasir Eldewle, da ko tizbiya bapîrê xwe Nesir Eldewle û şûrê Mîr Mûsk(11) wek diyarî ji Sultên re bişine. Nasir Eldewle ji vê daxwazê napejirîne û daxwazê bixwe ji hem wek bêrûmetiyeke şexsî û hem ji këmasyeke niştimanî dibîne. Herwiha Nasir Eldewle ji bo vê helwesta çewt a Sultan şandeya wî dest vala bi ser wî de vedigerîne.

Wexta ko Sultanê Selcûkiyan ji alî şandeyên xwe ve li ser helwestêن Mîrê Dostikiyan têt agahdarkirin tore dibe; û torebûna wî jî gurtir dibe dema ko dibihîze, ko Nasir Eldewle ne tenê tizbî û şûr diyarî wî nekirine lê xutbeyan jî nema ne bi navê Sultanê Selcûkî û ne jî bi navê Xelîfeyê Ebasiyan dixwîne; lê bi navê xelîfeyê Fatimî dixwîne.

Di bin bandora van bûyeran de û bi piştgiriya xelkên li dora Sultên, yên ko bi çavnebarî û zikreşî li dewieta Dostikiyan temâse dikirin û çavdêri û bendewariya hilweşandina wê ji dikirin, Sultanê Selcûkiyan Melekşah dest bi êrişa xwe dike û hêzên giran berbi sînorêن Dostikiyan ve dihinêre, û bi alîkariya hemî dewlet û mîrekên navçeyê (nêzî sala 1083 PZ) welatê wan dorpêç dike.

Li beramberi êrişa Selcûkiyan û alîgirêن wan, Kurdêن Dostikî şîyan sirûdeke bêmînak di qada berxwedanê de birêsin û pêdariyeke lehengane ji bo parastina sînorêن dewleta xwe bjasirînin.

Lê piştî ko abloqe û dorpêçkirin dijwartir dibe Mîrê Dostikiyan digel çend girgirêن dewletê berê xwe dide paytexta Selcûkiyan Asfehanê da ko, hem gustûgoyê û hem ji lêbûrinê ji Sultên bixwaze; reng e bi vi awayî bikaribe welatê xwe ji sosret û ji malkambaxiyêن şerî bi dûr bixîne.

Li Asfehanê Sultanê Selcûkiyan xwestiye bi Mîrê Dostikiyan re bigihêje peymanekê ko bikaribe dewleta Dostikiyan di nav xwe de dabeş bikin; lê Nasir Eldewle vê pêşneyara Sultên bi şûn de vedigerîne û jê re dide xuyanîkirin ko li ser bostekê ji xaka Dostikiyan bazar nayê kirin. Ev helwesta Mîr a li dijberî Sultên di bin bandora namekê de ko nû ji wezîrê xwe yê fileh (Ebû Salim Eltebîb) wergirtibû, hatibû çêkirin. Di nameyê de yê wezîr dide şirovekirin ko em dikarin sînorê xwe biparêzin û hetans çend salan ji li dijî êrişê rawestin.

Piştî salekê; yan ji piştî dorpêçkirina dijwar û hovane ya ko salekê sax dirêj kir û ajot, keleb û şûr û asêgeh û gund û bajar û çeperên Dostikiyan yeko yeko, bi dû

hev de, hilweşîyan û dawîya wê jî Miyafarqîna paytext dikeve destê leşkerên Selcûkiyêñ êrişker.

Ko bajar hatin dagîrkirin Selcûkiyan dest bi kiryarêñ dirindane û wêrankirina dezgeh û vemayî û şaristanî û talana aborî, kîrin, û ya ji tevî xerabtir ew e ko Selcûkiyan di cuh de ferманa kuştinê û dîlkirin û talanê bi karanîn, serjê-kiringeh û xwîn rijandin û bobelatêñ bêrûmet bi serê Dostikiyan anîn; bi taybetî bi serê Kurdêñ Fileh ên ko di bin siya perên Dewleta Dostiki de bi aşîfî û dilşadî û aramî dijiyan; û bi dilsojî xizmeta dewletê dikirin.

Xala herî balkêş a vê berxwedanê jî ew e ko di sala dorpeçkirinê de ti tevlihevî û nakokiyêñ navxweyî di navbera Dostikiyan de neqewimîne digel ko Mîrê Dostikiyan li Asfahanê bû û nikarîbûye vegere û serkêsiya gelê xwe bike .

Nûçeya herifîna Dewleta Dostiki digihêje Asfahanê û Sultanê wê yê ko dilê xwe bi Mîrê Dostikiyan dişewîstîne û dixwaze barê têkçûnê ji ser milêñ wî sivik bike lewra ji Mîrê Dostikayan dixwaze ko mîrîkekê ji bo desthilatiyê li derveyî welatê Dostikiyan ji xwe re hilbijêre. Nasir Eldewle bi van gotinan bersiva pêşniyara Sultân vedigerne: Ji bilî singoyekî (herbayekê) ko anîha di sînga min de daçikiya ti tişî naxwazim. Hin ji dilxwazêñ Mîrê Dostikiyan ên ko li civata Sultanê Selcûkiyan ê ko bi zimanê erebî baş nizanîbû; ji Sultân re revakirin û gotin: Ew Herbayê dixwaze padîşahê me!

Bi vî rengî Nasir Eldewle dibe xwedanê gundê Herbayê(13).

Hilweşîna Dewleta Dostiki

Em dikarin hilweşîna yekemîn a sala 1084 an PZ a dewleta Dostiki ji ber van sedeman ronî bikin:

1- Dolmendiya dewleta Dostiki.

2- Jeografiya balkêş û stratejî ya dew-letê.

3- Jihevketin û neyekbûna mîrlikên Kurdan (Rewadî, Salarî, Dostiki) li hem-berî êrişen Selcûkiyan (14).

4- Hêzariya leşkerî ya Selcûkiyan û pişgiriya hemî dewletêñ ditir bo wan.

5- Neşarezayiya Nasir Eldewle di warê siyâsî de, digel ko niştimanperwer bû .

6- Dadperperiya dewleta Dostiki û jiyanâ bê olperestî ya hevbeş a di navbera hemî olan de, hem ne li gorî kêfa olperestêñ hundir bû û hem jî deshilatêñ derûdorê ji veguhestina vê forma xweşik û lihevhâti ditîrsîyan.

7- Neşandina tizbiya Nesir Eldewla û şûrê Mûsik bo Sultân û nexwendina xutbeyan ji alî Mîrê Dostikiyan bi navê Sultanê Selcûki.

8- Nirxandina şas a wezîrê fileh Ebû Salim Eltebîb a li ser şiyana berxwedanê.

Bi vî awayî mirov dikare sedemên têkçûna yekemîn a sala 1084 an a dewleta Dostiki bine zimên. Lê belê di wê wexta ko Nasir Eldewle li (Herbayê) dijiya, Melekşah dimire, ew jî vedigere welatê xwe û bi alikariya gelê xwe hemî keleb û bajar û asegehêñ Dostikiyan ji destê Selcûkiyêñ ko pişî mirina Melekşah bi şerî di navbera Teteş birayê sultan û Birkîyarok daketibûn, vedigerîne. Lê wek me berê gotibû, lawaziya Nasir Eldewle ya siyâsî û helwestêñ wî yêñ dijminatiyê li beramberî Selcûkiyan bi taybetî li dijberî Teteş û neavakirina peywendiyêñ tekûz bi Birkîyarok re, bûne sedemên herîsin û têkçûna diwemîn û ya dawîn a dewleta Dosyikiyan, ko li ser destê leşkerên Teteş, ko di sala(1086)an bi xwîn rijandin û kuştin û talan û bi hovîşî û şewitandina her tişî ji nû ve welatê Dostikiyan dagîr dikan, û bi vê dagîrkirinê, pişî 104 salan, helbesta dewleta Dostiki ya kurd bi perdeyê têt nixumandin.

Têbînî:

- 1- Bad: Dibêjin ko en nav ji bê hatiye. Anglo mîna bagerê êrîşê dibe ser dijimin û vedigere, wek ko Ebdulreqîb Yûsiv di pirtûka xwe ya li ser dîroka dewleta Dostikî de dibêje.
- 2- Li ser vê xalê dîrokzan ne wek hev diramin. Hin dibêjin ko di destpêkê de Wan vekiriye û hin dibêjin ko Ardêş e.
- 3- Di pirtûka Dîroka Miyafarqîn a Ebû Elezreq Elfariqî de hatiye zelal kîrin.
- 4- Ibin Elesî Elcezerî, Elkamil Fî Eltarîx, cildê 3 yan.
- 5- Elmeqeryosî, Tarîx elislam Elsiyâsi (beşê diwem). Elfariqî(Dîroka Miyafarqîn). Ebdulreqîb Yûsiv(Dewleta Dostikî), vê xalê bi cî dikin.
- 6- di pesindana Nesir eldewla de

جَعْلُوا إِيمَانَكُمْ عَلَيْهِ وَلَا تُنْهِيُّوهُ عَنْ دِرْبِ الْحَقِّ فَإِنَّمَا يُنْهِيُّهُ عَنْ دِرْبِ الْحَقِّ مَنْ يَرْجُو حَلْفَهُ وَلَا يَرْجُو حَلْفَهُ فَلَا يُنْهِيُّهُ عَنْ دِرْبِ الْحَقِّ

- 7- Ibin Elesî û Elfariqî û Ibin Kesî Eldîmeşqî vê diyardeyê diçesibînin.
- 8- Wek Ebû Salim Eltebîbê wezîr.
- 9- Elfariqî û Ebdulreqîb Yûsiv.
- 10- Dibêjin ko bihayê tizbiya Nesir Eldewle 200 000 dînarê bîzantî bû. Û şûrê Mûsik şûrê Mîrê kurdê Botî Mûsik bû. herwiha dibêjin ko deve li ser wî şûrî dimeşîyan, reng e ev ji ber panbûna şûr bi xwe tê.
- 11- Elfariqî û Ebdulreqîb Yûsiv.
- 12- Herba gundekî mezin e li nêzî Bexdayê dikeve.
- 13- Liserrawestaneke taybetî bo vê xalê pêwist e. Reng e siyaseta navxweyî ya dewleta Dostikî ya li dijî olperestiyê, hiştibe ko, mîrlikên kurdan ên olperest dûrî wê herin.

Cavkanî:

- 1- Ibin Elesî(Elkamil Fî Eltarîx - cildê sisiyan).
- 2- Ebû Elezreq Elfariqî(Tarîxa Miyafarqîn).
- 3- Ebdulreqîb Yûsiv(Dewleta Dostikî).
- 4- Ehmed Emîn Zekî(Elîmarat Elkurdîye Fî Elehd Elislamî).
- 5- Dañret Elmearif Elislimiya, Cildê 9 an.
- 6- Merwan Elmûdewer (Elermen Ibre Eltarîx).
- 7- Jan Mikêl(Jugrafya Elislam Elsiyasiya , cildê 4 an).
- 8- Ibin Kesîr Eldîmeşqî(Elbîdaye weñihaye, Cildê 3 yan).

WEXTA KO

Helbest: Ehmed Huseynî
Wêne: Rehîmo

Bo Yihya:

Tê bîra te wexta ko me ji bîr nedilir ko em zarok bûn, tê bîra te aniha
wexta ko em zarok in...?
nebî-nebî zaroktiya me, li welatê mişextî û mirinê, biderize!

I

Wexta ko min
bi agirê girrê girên te,
xetireya berbanga mirî,
xemgîniya serserî,

xweliya xewnê û sistegavê kerî,

v
ê
d
i
x
i
s
t
i
n

Wexta ko min,
bi teşiyêñ dastana girî,
Velerzîna destêñ te
Velîstina hestêñ te
Veguhestina darbestêñ te
Di navbera xwe û goristanêñ birçî de
Wek pirêñ xatirxwestinê,
Wek çemêñ dilok-ristinê,

r
a
d
i
x
i
s
t
i
n.



Wexta ko min,
bê ximav û bê peri,
saneyên kulên te,
sînorêñ hişyar ên her çar dilên te,
rakêşana awirvedanêñ mîrkuj ên kilên te,
û pêlverdana bîraninêñ şewatê
di kêferata peyvîn zuha de,
di reşgirêdana kulîlkêñ hovane û
di ferhenga tozgirtî ya reha de,
di kelkela çinînê û di serîdandina ceha de,

d
i
r
i
s
t
i
n.

Wexta ko min
heyva birtûj a bobelatê,
dilsariya stêrkêñ rîyyatî yên esmanê çavêñ te,
çelmisîna kewen tûmayî yên hêlinâ lêvên te,
bi ser scrê gêjahiya evîndaran de

d
i
x
i
s
t
i
n.

Wexta ko rengê axa min bi alî te de diherikî,
rapcrîna xwîna te haş dibû,
Ko ava dengê min bi ser birîna te de dirijiya,
zimanê te li hev digeriya, qublenameya te şas dibû.

te ez û xwe

ji
hev

d
e
r
n
e
d
i
x
i
s
t
i
n



Wexta ko min
bi dara newqa te digirt,
û bi tena serê xwe li ber bagerê dihejiyam,
di asoyên nalina te de dihatim û diçûm
Tu di enışka rê de

dibûyî
xwekustina mûmê
EZ jî, di rûpela nermik a destê te de,
dibûm,
çiroka pêlan û qûmê

Min bazbenda revoyê Xanoyê çeng zérinî
Min Dîmdîm û govenda aheng kevirinî
Min xirecira porê te yî aramkêş
Min pirepira siviksorê te yî bi kêş
Min rojhilata memikên te, lorina landikên te,
hêlan û pêçek û zingîna navikên te,
li bin guhê lerza Xwedê

d
i
x
i
s
t
i
n

II

Wexta ko Goyînekî çavriyyayî li ser kavilên
kendavén laşê te bûm,
di nav xura xweliya sîng û berên te de,
dinaliyam..

Di bin qehweyiya çermê êvara te de;
di bin saw û metirsîya zimanê bihara tc de;
di bin daw û lingên hawara te de, ne tîr dibûm û ne jî
dimeyiyam..

Jî û bi babelîska serxwes a çolistana laşê te,
jî û bi qaşa reş a moristana kaşê te, geh şâ dibûm,
geh ditirsiyam..

Di nîveroja sincirî ya gazinên te de,
di berberoja serbilind de,
di bêhûdeyiya ava zelal a bazinên te de,
dikeliyam..

Di esra teng de, di berbejna tûj-reng de
wek çavtengiya tavê Gulânê, wek werîsê gumanê,
wek lixwemikurhatina nemanê,
wek zîvê dûmanê,
bi ser pencereyên kesk ên bendemana te de,
dibariyam..

Wek berfa bêrîkirinê,
wek qerfa ji dil a mirinê,
di tîna bîna kîna vîna birîna jîna te de,



rojekê diweşiyam û çend rojan

dihiliyam

III

Wexta ko dîmen û dûman;
bajarên xew sivik û Keman
li hev dipirsin

Wexta ko olana çiyan û peşkên barana destê şevê
ji hevdû himbêzkirinê ditirsin..,
wek tava westyayı, wek hespêki bêxwesnêr mayî,
wek silava giyanê veçiryayı,
keysa xwe li defa sîngâ şevgerinê xweş dikim..
Hemî kenarên hesreta te,
hemî hinarên bêdengiya te,
hemî dildarên dergeh û bergeh û bargehén sosreta te,
bi lavlavê,

bi çirusîna ximavê, ges dikim..

Hinarkên şermoki yên îstgehên dîroka te,
sipîbûna tîr û tarî ya neamadeyiya kevoka te,
bi kilsa nîfirê reş dikim..

Lerz û ciwaniya barûdê
Derz û çavkaniya sirûdê,
û cîwarekî bêzar û xewn-har, bi şûrê xembariya xwe,
dabeş dikim..
Wexta ko kelehhên stirana te ya gemkirî bi ser lêvên kurê
Zeynê de,

dîherifin..

Wexta ko zersosinêni bişirîna te,
li ber gurîna agirê demê, wek radestiya Memê,
dikerifin..

Wexta ko sorgul û sergulên xeftanê te,
garana rengên qedexe, û xwêdana gavanê te,
bînîkandina rîberên şevê û pizotên bîbika pasvanê te,
di sergemî û bêbaviya bayê kur de,

dîçelmisin..

Wexta ko di şûna avî û xunavê de,
di kezeba peyvê û di surdariya lîlavê de,
singô û pêlav û çavnebarî û hovîtiya xwe,

dadiçikînin...

Wexta ko radihêjin piştîyên xwîna te,
û termê te yî ji şengebiyan,
û giyanê te yî ji tozê,
û bixçika te ya mişt raz û belgeyên Mîdiyan,
û li bazirganan, li rovî û tajîyan,

digerînin..

IV

Wexta ko dildarêne te xwe ji gulhinaren
himbezkirina te berdidin.
Wexta ko gustîkên axê hinî oxira gîha û
yaran dibin.
Wexta ko keroşkên tarawgehê hinî xaçen berfa giran
dikin.
Wexta ko pinpinikên zaroktiyê pêrgî şoreşa gulan
dibin.
Wexta ko êvarêne tenhatiyê, çirokên sergermî û
berberiyê, ji bir dikin.
Wexta ko keldûmanen şebuhêrkên havinan bişirîna
sitîrkan zencir dikin.
Wexta ko pêlên şeyda yên xewna vegerê pravêne
biranînen te dagîr dikin.
Wexta ko bêrivanî bêrikirina xwe bi ser sira bayê
sibê de dirijînin.
Wexta ko tavsorka bendemanê di asoyê guhanê
wêranê de dihejinin.
Wexta ko dewkêlên berbeyaniyê meşka felekê bi
nifiran dicijînin.
Wexta ko dayikên resgirêdanê, di landikên axînen
xwe de xweşmîren bê veger, dihejinin.
Wexta ko xuşk û bira, wêneyen me, nûçeyen me, di
nav destmalen rengin de dipêçin û bi rondikên
kêfîxesiyê dimimînin.
Wexta ko nameyên me di nav xwêdana desten wan
de diqermiçin.
Wexta ko hemî kolanen bajêr, hemî kîlikên békêr di
kîlikâ girî de diqurmiçin.
Wexta ko pencereyên xemgîn ên dilen yaran bi agirê
demê diqiqçiçin.
Wexta ko em bêriya nermahiya perikên te dikin ey
balgeha xewrevîne!
Wexta ko em bêriya bîna hiriya te dikin ey doşeka
kulînê!
Wexta ko em bêriya tirs û şerm û lerza te dikin ey
Xwedana evînê!
Wexta ko em bêriya terk û werm û derza te dikin ey
çolistana birînê!
Wexta ko em bêriya lîsk û pevçûn û diziya
bêdengiya te dikin ey şevistana qîrînê!
Wexta ko em bêriya te dikin ey toza destbirak!
Wexta ko em bêriya te dikin ey soza bêmînak!
Wexta ko em bêriya te dikin ey Hedlê ya qereçî!
Wexta ko em bêriya te dikin ey goristana çavbirçî!
Wexta ko xoşewist di nav pencen te de bêdeng dibin
û nema dibişirin.
Wexta ko darêne xewn û xwezayan bi dù darbestan de
dikulkulin.ûra



Wexta ko tava heyvê xwe bi ser kêlan de diçemîne.
 Wexta ko keskesora miriyan esmanê me bêwaran
 dixemilîne.
 Wexta ko nermebarana paytextan giyanê sergerdanan
 ditepîne.
 Wexta ko guliya berfê dihingive hişê qonaxê û gavê
 dilezine.
 Wexta ko cigareya dawîn di nav tiliyên derengmayî
 de vedimire.
 Wexta ko narneya pêşîn di hilma xêzan, di rézen
 xweliyê de, dimire.
 Wexta ko hevalên westanê navnişanâ te bi zikreşiyê
 dişewitînin..
 Wexta ko di koşeyên qûmistana nenas de, nasnameya
 bengîniya te, û movikên mizgîniya te, dikerîtinin.
 Wexta ko di tenûra serberdayî ya Tebaxê de, li
 dorhêla Xanê, em li kelmozên cegerdar digerîyan..
 Wexta ko di nîveroja pêxwas de, bi sermesî, li ser
 dirk û qurincakan, berbi gunehkariyê de, em
 dimeşîyan..
 Wexta ko me bîstan û werz û bexçe bi kêfxweşî talan
 dikirin.
 Wexta ko lemên teze, darkokên bacan û îsotan di nav
 lapûskên êrişa me de digiriyan.
 Wexta ko pijên hetavê wek şûjinan xwe berdidan
 nava nivînan.
 Wexta ko toza ber lingê garana Mihemed Raî dibû
 dermanê birinan.
 Wexta ko xuşk û jinebiran lihêf ji ser me dikişandin
 û bi darê zorê em ji xewa giran radikirin.
 Wexta ko me balgehên xwêdangirî di nav pencên
 xelmaşbûnê de bi xwe re dibirin.
 Wexta ko ji nû ve li ser kulev xew li me zîz dibû.
 Wexta ko siya dara hinarê bi ser qehwa mêvanên
 bavê min de xwîz dibû.
 Wexta ko parsûyên demê di bin serê me de
 ditevizîn.
 Wexta ko şûşeyên çirêن xemê bi raperîna laşê me
 diderizîn.
 Weta ko hêkên qelandî, penêrê badayî, desthilatiya
 nanê tenûrê, av bi devê salan dixistin.
 Wexta ko xweşîya dengê tembûrê, nalîna kûr a
 hinavê bilûrê, em ji hiş dixistin.
 Wexta ko li ser mesefê, me kerb û qehra ciwaniyê di
 ser û pozê hev re derdixistin.
 Wexta ko di kelkelê de me xwê vedidizi û me dara
 tûyê dihejand.
 Wexta ko me sorê tarî bi ser kirasê axê de dirijand.
 Wexta ko me bi ava hinarêñ mêtweş nifîr û pitepita
 dayikan divejand.



Wexta ko me şopa helkihelka canê xwe, bînîkandina hemî rexên giyanê xwe li ser kevîyên diwaran dihiştin.
 Wexta ko me marêñ çeman û pisîkên çêçikxur bî şarezayî dikuştin.
 Wexta ko piştî nimêja sibê em dişandin da ko mastê mîhan ji xaltîka Hacoyê bikirin.
 Wexta ko çav li xew me rêça xwe dirêj dikir da ko çûkêñ dîlbijandinê li ser perdeyên qalind ên pencereyên yaran bilivin.
 Wexta ko bi rê de, bi tiliya qereqûçkê, me qeymaxê mîst dişikand.
 Wexta ko ji dil me rengê dengvedana evîna te ey şaro di şîrê xwîna xwe de dimeyand.
 Wexta ko dayika me sindoqa xwe vedikir, mewîj û bastêq li me belav dikirin.
 Wexta ko me pirtûka xewnê û destnivisa cih û şûnê ji sosreta mayinan re arnade dikirin.
 Wexta ko Torosê çavqerimî, şûrê xwe yi mijînî, ferhenga bihîvan di bîbika çavê me de radikirin.
 Wexta ko çîrokêñ xwîniyê, efsaneyâ tol û şîniyê wek xweliya heft gundan bi ser serê me de dadikirin.
 Wexta ko zeviyêñ nérfinêñ me, mîzgînxêra neviyêñ me bi başûrê sorgulan şâ dibûn.
 Wexta ko alén kenê me, ava qerisi ya denê me, di asoyêñ qehremaniya gûlberbero de li ba dibûn.
 Wexta ko ez û tu di gerdeniya şoreşa şor de du morîkêñ windayî bûn.
 Wexta ko sîbera min û te, di herikîna demê de, di zixta rimê de, di pepûkî û renkêşana Memê de, du nexşeyêñ windayî bûn.
 Wexta ko rojhilat û rojava di xirecira xerxar û morî û karbanîn te de, du oqyanosêñ matnayî bûn.
 Wexta ko jiyana me hêjayî navê jînê bû...
 Wexta ko ava rûbarê me hêjayî zérîn gava Zînê bû...
 Wexta ko çîçekêñ sînga te di bazdana salêñ min de hêjayî pesindana binê bûn...
 Wexta ko maçêñ me, germ û serberdayî, û hêjayî piroziya xwînê bûn...
 Wexta ko zikê te yi hevrêşimîn hêlinâ derd û kulan û vîhesîna bindestan bû...
 Wexta ko zimanê te yi sérîn bend û pend û qublenameya agîperestan bû...
 Wexta ko lîva te ya narîn meyxaneyâ bêzar û sermestan bû...
 Wexta ko bênahiya çavêñ te, şevçira û xetireya karwanê helbestan bû...
 Wexta ko awirvedana min dihingivî bêhûdeyiya sorê te.
 Wexta ko guregura min hildiperikî çeperêñ porê te.
 Wexta ko rondikêñ min xwe dadidan rakêşana kirâsê te.




Wexta ko darbesta min bi kotekî hildikişya
hevrazê te.
Wexta ko helbesta min ji bişirîna te ber bi
nemanê de sernîşîv dîbû.
Ey buhara reşgirêdanê!
Ey kevirno!
Ey toza gumanê!
Dilê min bi jena bêrîkirinê dilukumî
Bi kefenê bajarekî bê xwedimayî dinixumî..

Stockholm
1996/10/26

PARABOL SERVICE

Hem arzan hem garantif



Navûnîşan:
ST. Sällslapets-v. 34
Bräding
Tel. 08-971500

HÜN RİKLİMEN XWE DİKKANIN DI DUGIRE DE BELEV BIRIN

RÜPELER BI 1000:- KRONEN SWEDÖ
HVN RİPEL BI 600 - KRONEN SWEDÖ

tel. 070 633 32 61



BIRÜSK

Eyşe Şana wêrek û nebez, bi xwe gula civata me û
geşstêra esmanê me bûye. Ya ko ewê ji bo doza neteweya
kurd û Kurdistanê, huner û zimanê kurdî, mafê jina kurd
a bindest, her bê rawestan û bê supas xebitiye. Heger em
li dîroka bakura Kurdistanê binêrin, nemaze di vê çerxê
de, tekez E. Şan pêşenga hemuyan dibe! Ew çira, mom
û ronahiya hemû hejar, jar û rebenan bûye.
Berdewambûna wê li ser hunerê, dewlemendiya
neteweya me bûye, berxwedana wê jî li dijî sitemê,
kevnepерестî û newekheviyê, şahnaziya me bûye!

Li rêkefta 18-12-1996 dilê vê hunermenda mezin û hêja
rawesta û serê xwe danî. Ewê bi vê barkirinê, cihekî
gelekî mezin vala hişt û ziyanake ne sînordar gehiştîye
hunera kurdî ya berbendkirî. Divê em xudan li wê û li
kar û xebata wê derkevin, ev jî karekî pîroz e! Êdî em
sojê didin ko em weke wê kêrhatî bin û dilsojên netewe
û welatê xwe bin!

E. Şan di dilan de nemir e. Hûn xweş û serê we sax!